



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

938 G

COMMENTATIO







pièce 1

**COMMENTATIO  
HISTORICO-THEOLOGICA**

**DE**

**COMMUTATIONE,  
QUAM SUBIIT HIERARCHIA ROMANA,  
AUCTORE GREGORIO VII.**



**SCRIPSIT**

***L. F. VERENET.***

**TRAJECTI AD RHENUM,  
APUD JOH. ALTHEER,  
ACADEMIAE TYPOGRAPHUM.**

**. 1832.**



L. F. VERENET,  
COMMENTATIO

A D

QUAESTIONEM  
HISTORICO-THEOLOGICAM,

IN CERTAMINE LITERARIO ANNI MDCCCXXIX  
PROPOSITAM A PLURIMUM VENERANDO  
THEOLOGORUM ORDINE

I N

ACADEMIA RHENO TRAJECTINA:

„ Quenam fuit Hierarchiae Romanae, medio seculo  
„ XI, ante Gregorium VII, conditio et auctoritas?  
„ Quam subiit, illo auctore, commutationem?“





## P R A E F A T I O.

---

**H**aud facile aliquid reperiās, quod nostris temporibus magis omnium animos adverterit, quam in dies accrescens Pontificis Romani et universi Clericorum potentia. Quae, prostrata nuper, vult monstrum Lernaeum, ex ipsis detrimentis vires assumpsit: easque summo conatu adhibet, ut latius etiam, si fieri possit, quam antea dominetur. Non enim amisit solum recuperare, sed et aliena invadere nititur. Et invadet profecto, nisi ab altera parte aequales vires cum eadem constantia ei opponantur. Hunc in finem, ut corroborentur animi, nihil utilius excogitari potest, quam ipsa Hierarchiae bene perspecta historia, quae, luce clarius, quam nulla sint Paparum jura, quamque futilis eorum auctoritas, ob oculos ponit. Docet enim illa unumquemque, cujus mentem non in-

A

fus.

## P R A E F A T I O.

fuscarunt opiniones praejudicatae, quique integer iudex ad rem considerandam accedit, celebratam illam et sacrosanctam; scilicet potestatem ex audacia cleri et laicorum ignavia originem duxisse, neque ullo alio fundamento niti, quam jure fortioris, calidioris et impudentioris.

Quosdam ad hujus aevi conditionem accommodare egit Veneranda Theologiae Facultas in Academia Rheno-Trajectina, quaestionem in certamine literario hujus anni proponens:

„ Quenam fuit Hierarchiae Romanae, medio seculo XI, ante Gregorium VII, conditio? Quam subit, illo saeculo, deus auctoritas? Quam subit, illo saeculo, quatuor, commutationem?“

Quae quidem quaestio, cum in originibus et incrementis *despotismi* Papalis describendis versetur, in Historiae Ecclesiasticae tractatione maxime est momenti. Nullius viri conamina majorem, per omnia saecula, vim exseruerunt, majoresque in Ecclesiae non solum conditione, verum in totius fere orbis terrarum statu effectus habuerunt, quam Gregorii VII molitiones, quae, nisi accurate investigatae sint, quam parum reliqua Ecclesiae Historia intelligi possit, non opus est ut pluribus dicam.

Mihi autem, hanc studiorum partem tractanti, pergrata illa quaestio accidit, quae, et studiorum promovendorum, et honores consequendi occasio-

nem

## PRAEFATIO.

nem obtulit. Nam, etsi nulla hucusque in doctoscribendi genere consuetudo audacem me reddidisset, incitabant tamen aliorum in simili periculo prosperi successus. Deterrebant quidem laboris difficultas, oratio parum exercitata, rebus tractandis circumfusae saepe tenebrae, iudicii ingeniique diffidentia; sed studiorum utilitas et, in prospero eventu, honoris magnificentia, quarum illa quidem nunquam me falleret, magnis illecebris animum tentabant. Quid multa? Ad scribendum accessi, satius esse ducens virium mearum facere periculum, quam nil periclitando nihil accipere.

Vos igitur, Viri Clarissimi, hunc meum quaecumque laborem, quem dijudicaturi estis, accipietis, quaeso, tanquam a discente, non a docto, profectum. Sed quale verbum excidit? Quasi Vos ignoretis juvenibus a Vobis propositam esse quaestionem; quasi non omnem a Vestra humanitate indulgentiam sperare mihi liceat. Procul absit illa cogitatio! Relinquo igitur absque ulla anxietate meam Vestro iudicio scriptionem; quod si minus laetum evenerit, videtis quam habeam laboris non prorsus infructuosi consolationem; cogitatio enim animum recreabit:

„nec tam

„*Turpe fuit vinci, quam contendisse decorum.*”

De ipso autem opere mihi liceat paucis Vos ante monere.

Quo melius qualis, medio saeculo XI, fuerit Hierarchiae conditio innotesceret, primum, quam brevissime historiam moderaminis Ecclesiastici enarrandam esse putavi. Nec minus hac in causa perscrutanda erant anteriora, quod multa in illis continentur, quae Gregorio VII ad extendendam potestatem auxilio fuerunt, quodque ita idemum viam cognoscere poteram, quâ ad illud auctoritatis fastigium posteriore tempore pervenerint Episcopi Romani. Dein, quaestione duce, exponere conatus sum, in qualem, cum Europae politicae conditionem, tum Ecclesiae et Paparum imprimis auctoritatem Gregorius incidit. Porro, ipsius vitam privatam et Ecclesiasticam enarravi, illud praesertim, quoad potui, propositum servans, ut investigarem, quomodo Hildebrandus ipse sibi viam muniverit, quâ postea Gregorius stupendos progressus fecit. Perspectis tandem huius Papae inter omnes clarissimi variis rebus gestis, earum effectus et sequelas persequendo munere defunctus mihi visus sum. Atque his totidem capitibus scriptionem absolvi, ut potui, non ut volui.

Superest, ut de libris, quos consului, pauca dicam. Ut quaestionis propositae universum argumentum mente melius tenerem, ad ipsos quaestionis fontes escendere constitui; horum itaque auc-

to-

torum, maximam partem ipsius Hildebrandi aequalium, opera summâ cum voluptate pervolvi, facile animadvertens, ea non sine prudentiâ in meam rem adhiberi posse:

Gregorii VII, *Epistolarum Libros IX.* in *Harduinii Actis Conciliorum*, Tom. VI. Part. I. pag. 1195 ad 1516. Parisiis 1714.

P. Damiani, *Opera omnia* studio C. Cajetani, Basfani 1783.

Lamberti Schafnaburgensis, *De rebus gestis Germanorum* ex bibliothecâ J. Pistorii, Vol. I. pag. 149 ad 265, Francofurti 1583.

Ottonis, Episcopi Frisengensis, *Annalium Libros VIII.* ibid. Vol. II. pag. ad 187.

Ejusdem, *De rebus gestis Friderici I, Imperatoris*, Lib. II. ibid. Vol. II. pag. 193 ad 346.

Sigeberti Gemblacensis, *Chronographiam*, cum appendice Roberti, Abbatis de Monte, ibid. Vol. I. pag. 477 ad 681.

Hermanni Contracti, Comitis Veringensis, *Chronicon*, ibid. Vol. I. pag. 85 ad 148.

Pasfim etiam hac opportunitate alios scriptores, ex studiis literariis jam notos, novâ adhibitâ curâ pasfim consului; fuerunt igitur illi:

Annae Comnenae, *Alexiados*, in corpore Historiae Byzantinae Phil. Labbei, Tom. XII. Parisiis 1648.

B. Platinae, *De vitis Pontificum Romanorum*, Coloniae 1593.

Har-

Harduini, *Acta Concillorum et epistolae decretales*, Parisiis, 1714.

Caesaris Baronii, *Annales Ecclesiastici*, Tom. XI. Moguntiae, 1606.

A. Pagi, *Critica in Annales C. Baronii*, Tom. IV. Antwerpiae 1705.

Zonaras, *Annales in corpore Historiae Byzantinae*, Hier. Wolfii 1563.

L. A. Muratorii, *Antiquitates Italicae medii aevi*, Mediolani 1740.

J. Febronii, *De statu Ecclesiae*, Vol. I et II, Francofurti 1770.

W. A. Soardi, *De Romani Pontificis auctoritate*, Heidelbergae, 1793.

Recentiorum tandem optimae frugis auctorum compendia iterum non sine diligentia legi; quatenam fuerant haec opera, allatis scriptorum nominibus cuiusque Historiae Ecclesiasticae amanti satis patebit; qualia censentur H. Venema, G. J. Planck, J. C. L. Gieseler, E. Gibbon, J. Voigt, J. A. and A. Theiner, Heeren, W. Robertson, C. Villers, Millot, L. T. Spittler, alii, suo loco laudandi.

Ceterum ex auctoribus, in ipsa Commentatione allatis satis superque patebit, quosnam duces secutus sum; veri enim studio indulgens, nullam horum sententiam aut probandam aut refutandam arbitratus sum, quam non ipse inspexissem, atque ex ipsius auctoris libro haulissem.

(N.

## INTROITUS.

---

### §. I.

#### *Hierarchiae aetates.*

**H**ierarchia e discrimine clericos inter et laicos, atque ex accrescente prae his illorum auctoritate univérse est repetenda; hoc discrimen, a saeculo inde II. in Ecclesiâ exortum, diversis temporibus diversum habuit characterismum; habuit enim hierarchia suas aetates et indolem, variis aetatibus diversam. Sic ab Apostolorum inde tempore ad medium saeculum XI, tres potissimum hierarchiae periodos discernimus:

*Primam*, ab Apostolis ad concilium Nicaenum, ab anno C. N. 33 ad 325.

*Secundam*, a concilio Nicaeno ad Stephanum III, 325 ad 754. (1)

*Ter-*

(1) Cum de Hierarchiae singulatim spectatae, non vero de univérse Historiae Ecclesiasticae aetatibus hic agerem, secundam periodum, non ad Muhamedis usque tempora, cujus vis in sedem



## COMMENTATIO

*Tertiam*, a Stephano III. ad Gregorium VII. 754  
ad 1073.

Hierarchia etiam pro variis his aetatibus varias  
suscepit regiminis formas; fuit enim

*Primâ aetate*, Democratico - aristocratica.

*Secundâ*, Aristocratico - oligarchica.

*Tertiâ*, Oligarchico - monarchica.

Horum hierarchiae progressuum causas et oppor-  
tunitates breviter attendere juvat, ut ita, in mediis  
rebus collocati ac firmis subsidiis instructi, ad  
quaestionem propositam, pro viribus dissolvendam,  
gnaviter accingamur.

### §. 2.

#### *Aetas prima.*

*Hierarchiae forma democratico - aristocratica.*

*Ab Apostolis ad Concilium Nicaenum (33-325).*

Apostoli, in coetibus Christianorum conden-  
dis regundisque, auctoritate magis, quam po-  
testate, usi erant; mandato enim Christi morem  
gerentes, abierunt, et docendo multos ad sacra  
Christiana adduxerunt; divino auxilio, ipsa divi-  
nae doctrinae indole, et gentium studiis adjuti,  
suc-

dem Romanam, saeculo saltem septimo, nondum magna fuit,  
sed ad auctoritatem Paparum civilem usque perducendam esse  
existimavi.

successus habuerunt prosperos; vestigiis Divini Magistri incedentes, charitatem mutuamque amorem nullā non opportunitate Christianis commendabant. Qui vero iis successerunt, ulterius procedentes, hoc fraterni amoris vinculum ita adhibebant, ut e Religionis Christianae asseclis sodalitatem separatam conderent eorumque antistitibus jura sua tribuerent; hi, clerici dicti, legum instar J. Christi dicta proponebant, ita tamen ut Ecclesiam magis monitis moderari, quam auctoritate suā regere, viderentur; ceteris enim Christianis exemplo, quod dabant, pio ita praeire studebant, ut virtutis praecepta factis ipsi suis exprimerent; nec minus mirā constantiā in persecutionibus, pietate erga Deum, obsequio erga magistratus, amore erga omnes conspicui erant (1). Laici vero cultu Dei simplicissimo ostendebant ritus externos internae pietatis exercitia a se haberi, non vero ipsam pietatem; primo diliculus hymnos canebant, Apostolorum epistolas legebant prospiciebantque pauperum inopiae; disciplinam satis rigidam habebant, quae delicta puniebat, et in lapsos maxime saeviebat (2).

In his igitur institutis initia jam cernimus studii, quo Apostolorum succesores religionis Christianae

(1) Conf. Theiner, *Einführung der Priester-Ehelosigkeit*, 1ster Band pag. 85.

(2) Conf. Spittler, *Handboek van de gesch. der Christelijke Kerk*, pag. 46. et, de primorum Christianorum cultu, pag. 47.

tianae placitis magis magisque humanae doctrinae formam dederunt (1).

Secundo vero saeculo, Episcopi, qui simul cum Diaconis et Presbyteris Apostolorum *administri* fuerant, sensim prae aliis auctoritate inualescebant, cum *διοικητοὶ* magis minusve extensae curam gererent, atque Chorepiscopis seu Episcopis ruralibus praeesent (2). Hinc gradus auctoritatis inter clericos diversi constituebantur; cum enim ad conditionem civilem eorum potentia in Ecclesia informaretur, pro discrimine dignitatis, quae in variis Imperii Romani provinciis fruebantur, majore minoreve auctoritate in diversis muneribus Ecclesiasticis etiam uti poterant: sic transiit regiminis ratio a democratica ad aristocraticam formam. In synodis autem provincialibus Episcopi Metropolitani prae ceteris caput extollebant, et Patriarchis, deinceps exortis, viam late patentem sternebant ad maximam auctoritatem.

Attamen Societas Christiana publicum desiderabat praesidium, ut tandem a persecutionibus diris-  
simis et calumniis liberaretur, quibus Imperatorum iniquitate, plebis insanam rabie et magistratuum libidine obnoxii erant Christiani. Hac periodo ad finem vergente vulnera illa, quae letalia esse videbantur, Divino Numinis auxilio sanabantur;  
quin

(1) Conf. Planck, *Gesch. der Gesellsch. Verfassung*, Erster Band.

(2) Conf. Villers, *Essai sur la Réformation de Luther*, pag. 382.

quin et sanguis martyrum semen Ecclesiae fiebat (1). In mediis ita cruciatibus vis patuit promissi Jesu: *Adsum vobis usque ad mundi finem* (2).

Aetatis igitur hujus indoles mirā simplicitate et herolca constantia, primo maxime saeculo, se commendavit, et, nisi in omnibus, in gubernationis saltem ratione aurea illa Christianorum aetas, haud satis caute laudibus ab aliis cumulatā, nobis miranda est. Cum haec periodus ipsius Christi aetati proxima esset, ita doctrinae ejus, minus adhuc institutis humanis commixtae, maxime congruit.

## S. 3.

*Aetas secunda.**Hierarchiae forma aristocratico-oligarchica.**A concilio Nicaeno ad Stephanum III. (325 - 754)*

Hierarchiae conditio e Conciliorum formā optime dijudicatur. Erant enim illa *νομοι* novae, qui-

(1) Hoc Tertulliani dictum eleganter ingenioseque expressit Huygensius noster, qui persecutiones religionis causae detestatur, dicens:

„ 't Was misverstand,  
 „ Al dat gebrand,  
 „ Om trouw en waarheid:  
 „ Die sijn gaf klaerheid;  
 „ Want één te vier,  
 „ Onstact er vier.”

IX. B. Ineld, N<sup>o</sup>. 67.

(2) Matth. XXVIII: 20.

quibus novi Archontes, illique Sacrosancti, praerant. In concilio inprimis Nicaeno ratio aristocratico-oligarchica, quam Ecclesiae regimen accepit, conspicua erat; quod Concilium, quippe totum orbem Christianum amplectens, *Oecumenicum* deinceps dicebatur, nomine omnino consensu Ecclesiae *Catholicae*, verae fidei patronae ac rectrici (1). Eo Episcopi, a Spiritu Sancto ducti, non vero a Christianis, ut antea, missi, convenerunt, atque, utpote divinâ auctoritate instructi, instituta divina pro lubitu permutare coeperunt (2). Primarium tamen locum in hoc Concilio occupavit Imperator Constantinus, ipse Christianus, qui clericorum decreta auctoritate sua sancivit, quique etiam, quippe homo Orientalis, pompam orientalem, ad quam pronus erat, in Religionis Christianae ritus externos induxit. Constantini autem succesores, excepto Juliano, eandem viam ingressi, quin ulterius etiam progressi, gentilium religionem abrogarunt, et eo suas intenderunt vires, ut Religio Christiana, quae privatis conatibus praecedenti periodo propagata fuerat, publicâ auctoritate omnibus praedicaretur, atque totius Imperii Religio constitueretur.

Inter Episcopos in Ecclesiae gubernatione praeva-

(1) Villers, l. c. pag. 384 et 385.

(2) Conf. Theiner, *Einführung der Priester-Ehelosigkeit*, Erster Band, pag. 83.

valentes, quatuor, e primariis Europae, Asiae et Africae urbibus metropolitanis exorti, prae aliis sele non minus re, quam nomine, evexerunt, Patriarchae dicti; hi variarum provinciarum dioeceses sibi subjecerunt, atque ad civilem Imperii Romani formati diriones auctoritatemque suam composuerunt (1). Exstitit ita regimen quoddam oligarchicum, quatuor constans rebuspublicis Christianis, quae singulae in Synodis provincialibus senatum suum habebant, in Oecumenicis vero ad Ecclesiam universam referebantur. Hierarchiae igitur muneribus hac periodo functi sunt Episcopi Dioecetani, Metropolitani et Patriarchae, maxime Romanus et Constantinopolitanus.

Heroicis studiis, quae praecedenti aetate conspicua fuerant, alia successerunt. Anachoretarum enim, persecutionum tempore exorti, ad vitam coenobiticam se convertebant; monachorum deinceps regulis adstricti, quietae pietati animum intendebant, atque semina melioris conditionis, emendationis saltem, quae per totam historiam Ecclesiasticam animadvertimus, hoc aevo spargebant. (2)

Hujus aetatis indoles optime judicatur e vinculo, id temporis civilem inter et Ecclesiasticam

auc-

THEOLOGICA

(1) Conf. Villers, *Essai sur l'influence de la réformation de Luther*, pag. 388 et 389.

(2) Conf. Theiser, *Einführung der Priester-Ehelehrsatz*, Erster Band pag. 96 et 99.

21/2

auctoritatem orto; Religio enim Christiana, initio hujus periodi, publicâ auctoritate omnibus commendabatur; nimirum imperii civilis optimates, quum clericorum progressibus resistere non possent, cum his sese conjunxerunt, ut sibi invicem opem praestare possent. Ab hoc inde tempore Hierarchia, latioribus limitibus circumscripta, ordinem gradibus, dignitatum ambitu, et clericorum numero in dies increvit.

#### S. 4:

#### *Actus tertia.*

#### *Hierarchiae forma oligarchico-monarchica.*

*A Stephano III ad Gregorium VII. (754 - 1073).*

Hujus periodi historia omnis fere in auctoritate Pontificis Romani, in dies novis subsidiis invalescente, versatur. Hierarchiae enim forma, quae antea oligarchica fuerat, fiebat monarchica, Papa saltem principatum, quem jam diu appetiverat, tunc magnam partem obtinebat. Nimirum divisio Imperii Romani in Orientale et Occidentale multum contulerat ad auctoritatem Pontificis Romae degentis prae alijs promovendam; in Occidente enim solus imperabat Episcopus Romanus, in Oriente quatuor aderant Episcopi, qui, mutuis litibus nimis occupati, suam ipsorum auctoritatem negligebant. Horum tres, Alexandrinus, Antiochenus et Hierosolimitanus

evae

evanuerunt, cum Arabes, novae religionis novique in Oriente Imperii auctores, exsisterent. Praesidia, quae in promptu erant, et alia, quae fortuna afferebat, sedulo adhibuerunt Episcopi Romani, ut monarchiam suam conderent stabili-  
rentque (1). Solus igitur supererat Episcopus Constantinopolitanus, potestatis Pontificis Romani aemulus; frustra hic sese Patriarcham Oecumenicum dixit, qui titulus cum sede labente non congruebat. *Papae* hoc nomen, quod antea antichristianum dixerat Gregorius magnus (590), sibi proprium sum-  
ferunt Romani, postquam de hac re acriter cum Patriarchis Constantinopolitanis contenderant, qui devicti e palæstra recesserunt. Et ab hoc inde tempore monarchia Romana, ab omnibus agnita, locum primum in orbe Christiano tenuit.

Medio tandem saeculo VIII, monarchia illa, quae hucusque ecclesiastica fuerat, civilem asse-  
cuta est auctoritatem, cum Papae dominiam terres-  
tre obtinerent; hi enim, hujus aetatis initio, auxi-  
lium adversus Longobardos ab Imperatore Orientali  
iterum iterumque frustra flagitantes, sese tandem  
ad reges Francigenos contulerunt. Pepinus, palati-  
i praefectus, Stephano III. opem praestitit,  
qui grati animi causa coronam Francorum Pepino

(1) Conf. Planck, *Geschichte der Gesellsch. Verfassung*,  
zweyter Band, p. 658. sqq.; et Villers, l. c. p. 392.



obtulit; hic, voti compos, vice sua Exarchatum Ravennensem (1), a Longobardorum invasionibus liberatum, Papae concessit (755). Melioris conditionis studia, quae vi ipsius Religionis Christianae sunt tribuenda, simul cum depravatione, a vitiis hominum orta, cernebantur. Conspicua fuerunt haec studia, tum in monasteriis, severiori regulae adstrictis, imprimis in congregatione Cluniacensi (910), tum in constitutis Canonicorum capitulis (2); vitia vero, quae in his coenobis vitare studebant monachi, in hos ipsos sensim irrepserunt. Propagatio etiam Religionis Christianae, solis clericis, monachis maxime ex Pontificum auctoritate mandabatur, quo munere doctores imprimis Anglici in partibus Germaniae remotioribus functi fuerunt. Carolus magnus aliarum ratione meliora quaeque studia promovit; spe enim fidei Christianae, quam armis iis obtinebat, gentes cultiores reddere voluit; sed successorum debilitate et Normannorum invasionibus factum est, ut nihil fere proficerent ejus conamina. Normanni vero, fixas sedes nacti, eodem modo, quo gentes barbarae saeculo quarto

(1) Conf. Planck, l. c. Zweyter Band, pag. 766. sqq.,  
Hilfers, l. c. pag. 404. Spittler, l. c. pag. 167. sqq.

(2) Conf. Planck, *Geschichte der Gesellsch. Verfassung*,  
Zweyter Band, pag. 552—566, et Spittler, l. c. pag.  
174. sqq.

ad sacra Christiana profitenda sensim adducebantur.

Hujus aetatis indolem et characterismum expressit hierarchiae conditio, quae primum civili imperio subiecta, postea huic conjuncta, ipsa tandem formam assumpsit civilem: ditionem enim terrestrem in hac mortalium sede tenere non recusarunt illi, qui Jesu Christi vicarii haberi volebant; hanc vero *St. Petri patrimonium* dixerunt, ut praejudicatae de sede primaria, ab illo Apostolo condita, opiniones, hac etiam in causa, vim haberent. Multa autem hac periodo Paparum facta sunt atro carbōne notanda. Nonnulli enim, saeculo maxime decimo, vere *ferreo* dicto, voluptate diffuentes, virtutem ac fidem Christianam, exemplo, quod dederunt, pernicioso funditus everterunt; licita atque illicita nullo discrimine habuerunt; nihil flagitii, libidinum nihil omiserunt (1).

Commutata hierarchiae facie, ipsius Societatis Christianae forma commutabatur; omnia enim in doctrinā disciplināque ad monarchicam sedis Romanae rationem informabantur. Mansit tamen hierarchia etiam nunc imperio civili subiecta; nec Nicolai I conamina, anno jam 860, qui primus Episcopum *Catholicum* se dicens, auctoritatem papalem prae regibus et synodis evehere conatus est

(1) Conf. Gieseler, l. c. II. Band. erste Abtheilung, pag. 209—215, et auctores ibi citati. Videantur etiam, quae

## 13 COMMENTATIO THEOLOGICA.

est (1); nec illa Johannis VIII (872), qui sibi jus Germaniae Imperatores eligendi competere contendit, factis valuerunt (2); ad tanta perficienda audacioris fervidiorisque ingenii viro opus erat, qui tempore magis opportuno imperium civile evertere eique despotismum papalem superstruere posset. Jam vero, qui talis esset et tanta perageret, exeunte saeculo XI. existit Gregorius VII.

de hac Paparum pravitatē narravit Theiner, *Einführung der Priester Ehelosigkeit*, Erster Band, pag. 485. seqq.; et Spittler, l. c. pag. 183. seqq.

(1) Conf. Planck, l. c. Dritter Band, pag. 35. seqq.

(2) Conf. Planck, l. c. Dritter Band, pag. 169. seqq.



COM.

# COMMENTATIO

DE QUÆSTIONE THEOLOGICA:

*Quaenam fuit Hierarchiae Romanae, medio saeculo XI, ante Gregorium VII. conditio et auctoritas? Quam subiit, illo auctore, commutationem?*

---

P A R S P R I O R.

*Quaenam fuit Hierarchiae Romanae, medio saeculo XI, ante Gregorium VII. conditio et auctoritas?*

---

C A P U T I.

*Europae conditio politica, medio saeculo XI.*

§. I.

*Disputationis ordo.*

Hierarchia et imperium civile tam arcto vinculo conjuncta fuerunt, ut quicumque *illius* conditionem et auctoritatem rite percipere velit, *hujus* vim et ambitum primum exponat necesse est.

B 2

Ve-

Verumtamen non nostrum est consilium, ut hic gentium singularum rationem numeris suis absolutam describamus, sed tantum ut illarum vim in hierarchiam, et hierarchiae in his auctoritatem saeculo undecimo paucis exponamus (1). Quod ut rite fiat, Romae et Constantinopolis, duarum orbis, tum civilis, tum Ecclesiastici, *μητρόπολεων*, conditio politica et hierarchica *primum* describenda videtur, *tum* vero ceterarum Europae regionum vis et imperium exponenda, ut *tandem* de ipsius hierarchiae singulim spectatae conditione et auctoritate, medio saeculo XI, ex industria agamus.

## §. 2.

### *Roma et Constantinopolis (2).*

Roma et Constantinopolis, utraque metropolis, de principatu in Imperio et Ecclesia non certare non po-

(1) Ad hujus saeculi historiam rite percipiendam optimae frugis sunt historiographi mox laudandi, quos J. Pistorius in bibliotheca duobus vol. contulit, et Francofurti 1583. edidit. Tum Caesaris Baronii, *Annales Ecclesiastici*, Tom. XI. Moguntiae 1606; et opus, ab illo non disjungendum, A. Pagi, *Critica in Annales C. Baronii*, Antwerpiae 1705. Opera tandem L. A. Muratorii, Annae Comnenae, Zonarae, aliorum, lucem haud dubiam in tantis tenebris afferunt.

(2) Occidentalis et Orientalis Imperii Romani conditionem describendam, et utriusque metropolis, Romae et Constantinopolis, no-

poterant; illa, orbis antiqui quondam decus, splendorem suum maximam partem amiserat; effectae erant ejus vires, sed, occidentis solis instar, sese contemni aegre ferebat, quippe quae coli consueverat, et colebatur etiam nunc a multis; haec, sol velut oriens, Imperii Romani nova metropolis surgebat; situ amoenissimo Europae Asiaeque praeesse videbatur, et robore ac *ἐνέργεια*, quae ibi vigeant, plurimorum animos allexerat; simul cum Imperatoribus aulicos, magistratus, doctiores ad se traxerat, atque ad summum potentiae gradum pervenisset, nisi opportunitates externae obfuisent eodem tempore, quo Hierarchiae Romanae faverent multa. Roma enim, quae suis orbata fuerat insignibus, ad novum jam splendoris gradum perveniebat illius Religionis ope, quam per tria fere saecula tam acriter impugnaverat; Constantinopolis contra, quae in orbe christiano primum occupaverat locum, non modo non potuit invalescenti hierarchiae Romanae sese opponere, sed, postquam primum ab illa schismate distracta fuisset, tandem magis magisque corrui (1); quod, quomodo factum sit, fusius narrare juvat.

Po-

nopolis, fata primo loco exponenda esse existimavi, ut deinceps, de vinculo Hierarchiam inter et civile imperium disputantes, de sola Hierarchia *Romana* et Ecclesia Christiana *Occidentali* ageremus.

(1) Imo infelicissima, saeculo XV, infidelium metropolis evasit.

Potestatis species, quam ad saeculum VIII usque in Episcopos Romanos exercuerant Imperatores Orientales, non tantum prorsus evanuerat (1), sed postquam Papae, Pepino et Carolo magno auctoribus (755 et 800), dominium civile nacti essent, adauctae suae auctoritatis effectus, in Oriente etiam, re et factis ostenderunt. Nicolaus enim I. (860) in litibus, quae unam Constantinopolitanam sedem spectabant, Photium inter et Ignatium (2), supremum iudicem sese gesit, et Johannes VIII. (872) in ipsos Imperatores se erigere coepit. Eo autem facilius Pontifices Romani prae Constantinopolitanis tanta jura sibi arrogare potuerunt, quo magis metu vicinorum Muhamedanorum, jam jam adventantium ac animos efferentium, Graeca Ecclesia torpescere ac senescere videretur; terrore enim et ignavia afficiebantur omnes, qui Islamismum, religionis Christianae adversarium acerrimum, in Asia sensim invalescentem et Europae minitantem cernebant (3). Litibus porro cum Latinis sedis Constantinopolitanae vires exhauriebantur; haeretici enim habebantur qui, ab Ecclesiâ catholicâ

re-

(1) Conf. Planck, l. c. II, Band, pag. 714. seqq.

(2) Conf. Gieseler, l. c. II. Bd. Erst. Abth. pag. 291. seqq. et Theiner, l. c. I. Band, pag. 571. et Spittler, l. c, pag. 180.

(3) Conf. Annae Comnenae, *Alexiades*, Lib. I. pag. 3. in corpore Historiae Byzantinae Phil. Labbei, Tomo XII.

recedentes, huic salutis matri renitebantur. Praeterea Papam Romanum Europae pars, quam sibi subjectam tenebat, adjuvabat; Patriarcha vero Byzantinus foris omni ope destitutus erat, nam in Asia, non ipsa viguit doctrina Christiana, sed sectae tantum Jacobitarum, Nestorianorum, aliorumque dispersae aderant, quas Muhamedani mercaturae causa ferebant potius, quam tuebantur.

Medio tandem saeculo XI, Michaelis Caerularius, animo erectior Patriarcha, duas scripsit epistolas, quibus probare conabatur Romanae Ecclesiae doctrinam a genuina Christiana esse alienam ac Graecae plane oppositam (1); primo, quod Latini pane azymo, Graeci vero fermentato in Coena Sacramta uterentur; secundo, quod Papa sacerdotum nuptias dissolverat (2); tertio, quod jejunium, die saturni antiquis canonibus vetitum, Latinae Ecclesiae sociis praescriberetur, aliaque plura. Papa Leo IX haec non redarguit, sed regis instar ad Imperatorem, Constantinum Monomachum (1053), legatos misit, Fredericum Archidia-

(1) Conf. Theiner, l. c. II. Band, Iste Abth. pag. 85. seqq. et Spittler, l. c. pag. 199.

(2) Ecclesia videlicet Graeca sacerdotes post acceptum sacerdotium uxorem ducere prohibebat; sed, ducta uxore antequam fierent sacerdotes, ad divortium eos non cogebat. Conf. Theiner, l. c. pag. 38. seqq.



diaconum aliosque, qui de injuriâ, quam fedi Romanae Patriarcha intulisset, conquererentur, et disruptae amicitiae vinculum refarcirent. Verum enim vero haud prospere ceserunt haecce conamina; legati Romani a Monomacho, id temporis Patriarchae suo favente, ne auditi quidem, dimissi sunt; hi, Constantinopoli abeuntes, secundum Christi mandatum Apostolis datum (1), pedum pulverem excusserunt, et iram divinam in perjuram hanc urbem imprecati sunt (2). Anteaquam vero Romam rediissent ac irriti sui itineris rationem Leoni retulissent, Papa supremum jam obierat diem (3).

Ab hoc inde tempore Ecclesia Graeca, a Romanâ schismate distracta remansit, formamque Reipublicae liberaliorem sibi magis consentaneam retinuit; hierarchia vero Romana, monarchicam auctoritatem appetens, aliis vestigiis institit, et Latinorum rationem prorsus expresit.

(1) Matth. X: 14.

(2) Lambertus Schafnab, *de rebus Germ.* ad annum 1053.

(3) Conf. Gieseler, l. c. pag. 305. seqq.

§. 3.

*Europa meridionalis.*

In meridionali Europa hîc spectamus potissimum Italiam et Hispaniam.

*Italia*, medio saeculo XI, in tres partes divisa, a totidem dominorum stirpibus regebatur; superiorem partem, inde ab Ottone I, Imperatores Germanici tenebant; in mediâ auctoritatem supremam Papae exercebant; in inferiore, prae Saracenis Normanni sensim invaluerant. — Longobardi, jugi impatientes, iniquo animo Imperatorum dominium ferebant; liberiore animo sese erigebant, et opportunitatem expetebant, quâ Imperatori se opponere posset; rei nauticae peritissimi, mare, sibi prae Germanis patens, futuram salutis viam, quod re comprobabatur, habere jam coeperant (1).

In mediâ Italiâ Urbem Romam et Exarchatum Ravennensem, quibus constabat patrimonium, quod dicebatur, Sti Petri, Papae primum possederant; sed hanc ditionem idemtidem auxerant. Dissidia scilicet in hâc maxime Italiae parte inter magnates subinde oriebantur, qui de dominatione acriter contendebant. Papae his litibus sese immiscebant, ne eorum auctoritas contemni videretur, et, judi-

cis

(1) Alma lux libertatis in Rebuspublicis Venetiarum et Genuae brevi post oriebatur.

cis partes opportuno tempore agentes, unum alterumve principem contumacem anathemate percutiebant, cujus ditionem, seu in suam ipsi clientelam committebant, seu saltem alteri, dummodo hic beneficii memorem se praeberet, concedebant; ita nonnunquam hostem sibi timendum amoverunt (1). Exemplo sit callida Paparum agendi ratio erga Normannos, de quibus nobis jam agendum est.

Normanni, Europae septentrionalis colluvies, multas regiones, maxime maritimas, piratarum instar, infestaverant (2). E Gallia orientali in Italiam transferant (1017), cum Guimarus, Salernitanus princeps, a Saracenis obsesus, Roberti Guiscardi, Ducis Normannorum, auxilium implorasset. Saracenis profligatis, Normanni, regionis amoenitate capti, in inferiorem Italiam ultro proceserunt; cum vero, fulminum papalium ignari, Sancti Petri patrimonium invadere coepissent, a Papâ primum excommunicati, postea eâ absoluti sunt conditione, ut, tributo promisso (3), Papae se subjicerent, ac, mediâ Italia relictâ, in Calabriam Apuliamque, quibus potiri licebat, recederent.

(1) Videatur istiusmodi agendi rationis exemplum in his, quae de Nicolao II. narravimus, hujus Commentationis Parte prima, Capite III. §. 4.

(2) Tamtâ rabie regiones has aggrediebantur Normanni, ut etiam post harum incolae precibus addere solerent: *Domine! libera nos a sacro Normannorum!*

(3) Tributum erat equus albus additis exiguis pecuniis summa.

rent. Normanni, mandato haud repugnantes, eo se continuo contulerunt, easque provincias, Papā auctore, injuste occupaverunt (1); quid! quod Nicolaus II. jure suo Siciliam, quam adhuc retinuerant Saraceni, in antecessum Normannis promitteret. Ab hoc inde tempore Robbertus Calabriae et Apuliae, atque futuri Ducis Siciliae titulum assumsit (2).

*Hispania* incolarum indole, moribus, ac religiosis maxime studiis ad Europam latinam vulgo refertur; medio tamen saeculo XI, maximam partem a Saracenis occupabatur. Hi enim, in Gallia a Carolo Martello devicti (731), in Hispaniam se receperunt et hac regione, exceptis Asturijs, positi fuerunt. Cum vero a communi Muhamedanorum sede longius abessent, sensim corrui novum hoc imperium; Hispanorum contra animi vicinitate Christianorum indies adversus Saracenos magis incendebantur; quos parvis primum copiis aggredientes, crebris proeliis ita lacesiverunt, ut nonnullas tandem provincias recuperarent, quae singulae ducebantur, Saracenorum victoribus, iisque regis titulo ornatis concedebantur. Exstiterunt deinde praeter

(1) Conf. E. Gibbon, *The history of the decline and fall of the Roman Empire*, Vol. X. pag. 254.

(2) Conf. Planck, *a. a. O.* IV. I., pag. 63, 64, et ibi nota (6).

ter Asturias, utriusque Castiliae, Leonis, Navarrae et alia regna, de quibus postea disputandum.

#### §. 4.

#### *Europa Germanica.*

Insigni hac Europae parte non tantum Germaniam, proprie sic dictam, comprehendimus, sed regiones etiam, quae universe trans Rhenum et Danubium ad mare Balticum usque sitae sunt. His varii principes titulis diversis praeerant, quorum singulorum fata recensere longum est. Ne igitur in his diutius, quam par est, haereamus, Imperii Germanici, cui omnes hi principes magis minusve, medio saeculo XI, subiecti erant, conditionem copiosius, maxime quod ad hierarchiam adinet, exponemus.

Otto magnus, Imperator (962) a Papâ, Johanne XII, coronatus, tali titulo dignum erga hierarchiam sese gesit; Johannem enim, horrendum illum pontificem, e sede papali (964) ejecit, ac loco ejus Leonem VIII. constituit (1). Mirum sane accidit Imperatores Germanicos, tantâ auctoritate gauden-

(1) Conf. Planck, III. Band., pag. 262.

dentes, Ottonis exemplum imitari non semper fuisse ausos, cum nonnullos Papas moribus perditis ac vitâ scelestâ foedatos viderent; animadvertendum tamen est regimen Germaniae electorale fuisse, unde ignavia nonnullorum Imperatorum erga Papas et horum audacia, quâ ipsos Imperatores saepius aggressi sunt, facile explicantur; metuebant illi ne, si auctoritati Pontificis Romani reniterentur, anathema sibi contraherent, quo, execratione in se concitatâ, alius quis continuo eligeretur; cuius rei documentum luculentissimum in Henrici IV. vitâ deinceps videbimus. Ceteroquin gens Germanica, pro altiore sua indole, Imperatorum conaminibus adversus Papas saepe favit; comitia item, in quibus gentis vis maxime erat conspicua, lubenter principes, hierarchiae abusibus sese opposcentes adjuvabant. His ita subsidiiis nixus, Henricus III. fortiter erga Papas se gesit; hic, Niger a faciei colore cognominatus, puer quinque annorum Aquisgrani (1) Imperator a patre Conrado II. designatus est (2), quo duobus annis post de vitâ decedente, ille in matris clientelam

ve.

(1) Patriae nostrae pars, quae ad Galliam Belgicam referebatur, a Carolo inde Magno maxime inclinarat. Imperatores Aquisgrani sedem suam diu habuerunt, et maximi momenti concilia ibi tunc convocabantur.

(2) Fecit illud Conradus cum morbo gravissimo urgeretur, ut Imperium electivum haereditario jure ad filium transmitteret.

venit. Deinceps vero, ipse Imperii habenas tenens (1346), Romam iter fecit, ut lites inter tres Papas eodem tempore ortas componeret; Benedictus enim IX, Sylvester III et Gregorius VI. singuli de sede papali occupanda acriter contendebant; hos simul expulit Imperator (1), Suidgerumque, Episcopum Bambergensem, Papam, nomine Clementis II, designavit, eique sedem Romanam constituit. Hic vice sua Henricum Augustum coronavit et Romanos jurejurando Imperatori obstrinxit. Convocato deinceps Romae concilio praefuit Henricus, qui multa emendandae Ecclesiae causa pro arbitrio ita ordinavit, ut universus clerus populusque Romanus ejus auctoritatem et sapientiam venerarentur (2). Cum hic fortis Imperator supremum diem obiisset (1056), impuberis filii loco, Agnes, Henrici vidua, summam, quam votis jam ambierat, nacta est potestatem; haec, suadente Guiberto Cancellario, omnia conturbavit, imperium superbius administravit, vassallos, aegre jam ferentes regimen penes mulierem esse, vexavit, et brevi discordiae semina in-

va.

(1) Conf. Gieseler, a. a. O. II. Band, I. Abtheilung pag. 176—179; et Planck, a. a. O. III. Band; pag. 387. §. 15 et 16.

(2) De hoc concilio videantur Harduini, *Aeta Concilio- rum*, Tom. VI. Pars I. pag. 926; et Planck, l. l., IV. Band I. Abschnitt, pag. 11 seqq.

varias provincias sparsit. Hanno tandem, Episcopus Coloniensis simul cum Trajecti et Moguntiae Episcopis res novas moliens, Henricum IV, puerum admodum libidinosum et male institutum, abduxit eumque juvenem (1072), Agnita Guibertoque imperio exatis, ad arripiendam Imperii administrationem adegit (1). Imperator ab hoc inde tempore frustra vitia virtutibus compensavit, ut sibi subjectorum animos conciliaret; vasalli enim, qui superbia Agnitis exacerbati fuerant, a partibus matris alienati, filio nunquam addicti fuerunt. En opportunitates ad Hildebrandi consilia promovenda fatis accommodatas! (2).

## §. 5.

*Europa Occidentalis.*

Europam Occidentalem memorantes, gentes cis Rhenum sitas cogitamus, quae nec Germanorum nec Latinorum indolem prorsus referentes, ad utrosque tamen quodammodo pertinere videntur. Harum Galli et Belgae meridionales, qui ad Latinos, et Angli, qui ad Germanos proxime acced-

(1) Conf. Planckius, a. a. O. IV. I., pag. 88 et 89.

(2) Conf. Theiner, a. a. O. II. I., pag. 162 et 163.



debant, primarium, medio saec. XI, tenebant locum. Utriusque igitur regni conditio et fata jam nobis sunt enarranda.

Regni gerundi onus, quod Caroli magni successores pro sua debilitate haud amplius sustinere possent, Hugo Capetus (1) non tantum levavit, sed probante Papâ totum sibi ferendum sumsit (987). Hunc qui exceperunt, Robertus II. (996) et Henricus I. (1031), domesticis atque intestinis litibus impliciti ad imperii splendorem parum contulerunt (2). Henricus I. frustra Normannorum in Galliâ occidentali invalescentium progressus cohibere conatus est, ab iisque plus semel profligatus, Gulielmo Debellatori (1045), Galliæ provinciam, quam ab anno jam 912 tenebant, Normanniamque dixerant, concedere coactus fuit. Nec feliciter magis emendationem, quam spectaverat, cleri, exsecutus est. Henrici filius, Philippus I, qui patri, anno 1060, succedens, ad annum usque 1108 regnavit, diuturno hoc principatu magis, quam praeciaris factis, inclaruit. Vidit enim metuendam jam Gulielmi Debellatoris potestatem valde adauctam, cum Dux ille Normannorum Angliam (1067), sub

(1) Conf. Planck, pag. 297 seqq.

(2) Regis hujus cum Papâ, Benedicto V. lites de Berthâ uxore dimittendâ fuscè narravit Planck, l. c. III., pag. 391 seqq.

imperium suum redigeret, neque rex tantae hostis futuri fortunae ullo modo obsisteret. Brevis virium Normannorum incrementum effectus sensit Philippus; Angliae enim Debellator in mediam Galliam arma tulit, et tota regione fortasse potius fuisset, nisi mors victorem interceptisset. Eundem Philippum erga Gregorium ignaviter se gerentem, in altera hujus commentationis parte invenimus (1).

Anglos, ut jam diximus, Germanorum indolem, magis quam Gallos, retulisse, cuicunque utriusque gentis mores, characterem et fata reputanti facile patebit. Ex septem regnis, *Heptarchia* dictis, in hac regione a Saxonibus conditis (440), unum, auctoribus Danis, exstiterat regnum (1017). Ultimus ex stirpe Danorum rex fuit Eduardus (1043); quo sine prole defuncto, Anglia rursus cuicunque magna fuscipiente ac fortuna fidenti patebat. Talem opportunitatem negligere non erat Normannorum; Guilielmus ita continuo hanc regionem cum copiis haud contemnendis aggressus est, et, devicto Milcolumbo, Scotiae rege, expulso competitore Edgardo, occiso aemulo Heraldio, regnum sibi subegit Anglosque plus semel rebellantes domuit. Pacata tandem hac regione, res publicas ordinavit, animos sedavit, et *Treugae* edictum, quo certis diebus jus privatae vindictae exercere veta-

bá.

(1) Conferatur hujus Commentationis Part. II. Cap. II. §. 4.

batur promulgavit (1); has autem leges lingua Normannica, quam subactae genti obtrudere volebat, edidit (2). Anno 1087 diem supremum obiit et regnum Guilielmo, cognominato Rufo, reliquit.

Victorem ingenio rebusque secundis ferocem offendere non erat ex re Gregorii VII; circumspectius ita Debellatorem tractavit; sed vel sic tamen non adeo industrius ac sollers fuit, ut Normannorum Ducis benevolentiam captaret; disruptam enim concordiam inter Papam et Guilielmum deinceps videbimus (3).

§. 6.

*Europa Septentrionalis.*

Paucis, quae de hujus Europae partis conditione, medio saeculo XI, memoranda sunt, absolvemus, quandoquidem hae regiones nullam fere vim in res hierarchiam spectantes hoc aevo habuerunt. Septentrionales enim Europae gentes, anteaquam, fautore Ludovico Pio, praecone Ans-gario (826) et Viscelino (866), religionem Christianam accepissent, vix nisi rapinis alibi innotue-rant.

(1) Conf. supra, Part. I. Cap. III. §. 3.

(2) Hinc lingua Anglica ex Anglo-Saxonica, Danica et Normannica conflata est.

(3) Videatur supra, Part. II. Cap. II. §. 4.

rant. In Scandinaviâ partim habitantes, Sueci, Norvegi, Dani, seu universæ *Normanni*, dicebantur; partim in Russia ad Lapones, Finnos, Lithuanos aliosque referebantur.

Horum barbarorum principes vel duces nonnulli famam facinoribus extenderunt; in his maxime Canutus, Danorum rex, inclaruit, qui, occiso Ethelrede (1014), Angliam invadens, et, depulso Olao (1018), Norvegiam depopulans, cognomen Magni adeptus est. Melioris conditionis auctor existit Wladimirus, Russiae Dux (987); sacra Ecclesiae Graecae amplexus, gentis suae mores religionis Christianae ope emendavit, quod regina Helena (941), ejus mater, et Adelbertus, praeco a Germaniae Imperatore missus, efficere frustra tentaverant (1). Successus tamen magis diuturnos habuissent Wladimiri conatus, nisi ipse coepris nocuisset; dividit nimirum (1015) regnum suum inter filios, qui, disfidia inter se moventes, plebis imbecillitate ad suum commodum abuti magis, quam hujus emendationi inservire studuerunt. — Melius res in Sueciâ cecidit. Olaphus, hujus regionis rex, multum ad religionis Christianae in remotâ hac Europae parte propagationem contulit (1019). Quâ in re feliciter Sigfridi, Episcopi, ope usus est, qui non tantum inter Suevos op-

(1) Conf. Gieseler, *Kirchengeschichte*, II. Bd. I. Abth. pag. 274.

optimae doctrinae cognitionem egregie promovit, sed etiam, ut fides in Norvegiâ et in adjacentibus insulis dissemigaretur, praeclare curavit.

De disidiis Boleslaum I, Poloniae regem inter et Gregorium VII. dicere non hujus est loci.

Ceterum novi illi religionis Christianae asseclae, doctrinae loco Pontificis Romani auctoritatem et Ecclesiae catholicae efficaciam nunquam non praedicari audientes, non tantum hierarchiae paruerunt, sed saepe servorum instar ei fuerunt obstricti.

#### §. 7.

#### *Europa Orientalis.*

Quod antea de labante Graecorum imperio et de Turcis in Europâ orientali invalescentibus diximus e politicâ utriusque gentis conditione manifesto probatur.

Constantinum Monomachum, cujus lites et schisma cum Ecclesiâ Romanâ jam exposuimus (1), Theodora uxor excepit (1054). Fuit illa mulier prudentissima, quae ipsa jus dicens legatosque audiens bene de imperio meruit. Aulicorum tamen sua-

(1) Vid. hujus Commentationis, Pars I. Cap. I. §. 1.; et Theiner, *Einführung der Priester-Ehelosigkeit*, II. B. I. Abth. pag. 34 seqq.

suasum Michaeli Stratioto seni societate se junxit (1059), ut sub hujus nomine imperium administraret; Michaelis contra, ipse dominandi studio ductus, pro lubitu et arbitrio omnia ordinavit, senatum honorifice, plebem clementer, milites vero justo asperius tractans, horum in odium incidit, qui ducem suum, Isaacum Comnenum, Imperatorem creaverunt (1057). Hic insignis dynastiae auctor, admodum ad avaritiam pronus, fiscum disfolutiore liberalitate et coenobiis exstruendis donandisque exhaustum reddidit; majora praestitisset, nisi omnia uno impetu efficere voluisset. Anno jam 1059, dignitatem abdicavit et imperii habenas Constantino Ducae commisit, qui, alienus a bello, Turcas, non militum ope, sed pecuniae vi arcendos esse duxit; verum enim vero, ut alio modo sumptibus parceret, milites demisit, atque ita futuris Turcarum jam adventantium progresibus egregie favit. — Eudoxiae uxori ac tribus impuberibus filiis (1), imperium reliquit (1067); cum haec se hostibus ubique imminentibus imparem videret, forti ac bellicoso viro, Romano Diogeni, nupsit (1068), qui cum Turcarum Sultano continuo conflixit (2); infeliciter vero dimicans, ipse vulneratus et a Turcis captus est. Huic tandem succcessit Michaelis VIII. qui

(1) Conf. J. Zonaras, Cap. 9.

(2) Idem l. l. Cap. 9 et 10; in corpore *Historiae Byzantinae*, a Hier. Walsio, confecto, Tom. III. pag. 175.

qui musis magis quam armis deditus parum hoc tempore imperio profuit, ac in odium procerum incurrit.

Orientalium fortitudo longe vires hujus Imperii, in ruinam proni, excedebat; locum ita primarium, quem appetebant, in ipsa Graecia brevi capessiverunt. Orientales enim, phantasia et fanaticismo ducti altioraque spirantes, ad magna quaeque praestanda impellebantur, religionem his studiis faventem habebant, et, sacram tunc viventes aetatem, Europam saltem orientalem ad sua placita adducere studebant (1). Quomodo igitur ruens Graecorum imperium (2), cum talibus hostibus colluctans, eodem tempore tantis hierarchiae Romanae opibus, tanto ambitui, tantisque subsidiis adversari potuisset?

(1) Operae pretium est animadvertere Turcarum hac aetate in Graeciam invasiones cruciatarum expeditionum, hujus saeculi sine a Christianis susceptarum, sacram fanaticamque rationem prorsus retulisse.

(2) De tristi Graecorum Imperii conditione videatur Annae Comnenae, *Alexiades*, Lib. I. pag. 3; in corpore *Hist. Byzantinae*, Phil. Labbei, Vol. XII. Conf. Gibbon, l. c. Vol. X. pag. 348 seqq.

## CAPUT II.

*Hierarchiae Romanae, medio saeculo XI. conditio et auctoritas universe spectata.*

## §. I.

*Hierarchiae Romanae conditio.*

Haud diu remansit apostolica illa et aurea regiminis forma, quam primi religionis Christianae doctores, monitis potius paternis, quam legibus jure suo latis, constituerant; auctoritatem, quā usi fuerant Apostoli ne quid detrimenti coetus caperent, sibi propriam a Spirituque S<sup>to</sup> datam, primis jam Ecclesiae saeculis nonnulli viri, ceteroquin plurimum venerandi, sibi vindicarunt. Cum hi vero sacro-sanctos sese praedicarent, et primum locum in regundis rebus sacris occuparent, hanc sanctitatis ac principatus notionem uno vocabulo, ceu titulo, servare cupientes, facile se *ἐπαρχας* et regimen suum *ἐπαρχίαν* nuncupari passi sunt (1).

Eo

(1) Etiam si hic graecis vocibus usi simus, non est quod in his haereamus, et illorum sententiam sequamur, qui, antiquitatis graecae amantissimi, societatem Christianam initio constitutam Rerumpublicarum veteris Graeciae rationem *proferre* reuulsiisse volunt. Vocabula nimirum, quibus regiminis forma et dignitatis gradus in Ecclesia designabantur, erant graeco,

gu-



Eo pervenerat hierarchia illa, medio saeculo XI, ut *Ἐκκλησία*, quae coetus omnium credentium primum dicebatur, ad solos clericos illosque romanos referretur, qui, in hac voce arcani quid inventientes, se Ecclesiam efficere sibi persuaferant. Hi itaque, a ceteris Christianis nomine distincti, vestimentis, vivendi ratione et moribus ab his etiam diverſi erant; dignitates, jura, munera immunitatesque sibi in Ecclesia vindicabant, et, ut laici sese totos clericis permitterent obsequiumque, ceu unicū officium, iis praestarent, nitebantur.

Omnium vero clericorum primarium locum tenebat Papa Romanus. Fama enim illius *Urbis*, quae tantopere invaluerat, non poterat non, etiamsi ruinam dare videretur, per multa personare saecula, et in animos gentium vim habere magnam; atque aetas sacra, quam hae tunc vivebant, opinionem inveteratam Paparumque commentis diligenter alitam, de principatū videlicet quodam a Petro Apostolo condito, egregie promovebat. Hae aliaeque causae, hic non commemorandae, effe-

ce-

gubernationis vero ratio in multis a Graecorum indole erat aliena. Historiae documenta et res ipsa suadent, ut maximam partem e veteri Synagoga Judaica hanc formam tutius ac verius repetamus, licet Graecorum studia in hac causa non sint rejicienda. Vid. de hac re Muntinghii, *Hist. Eccles.*, Periodi I. Cap. II. §. 7; et van Heyst, *Dissertatio de Synagoga Christianismo*, pag. 14.

cerunt ut universa tandè m occidentalis Europa decretis Conciliorum statueret: „ Sanctam Romanam et apostolicam sedem post Dominum Jesum caput esse omnium Ecclesiarum Dei ” (1). Papae, tantam auctoritatem nacti, omnibus eo facilius persuaserunt extra Ecclesiam Romanam nullam esse salutem, ac secundum illam omnes actiones esse instituendas; ita sensim hujus Ecclesiae assecclis libertas cogitandi ac sentiendi fere ademta est; charitatis, quae vinculum Christianorum omnium esse debebat, locum occupavit monarchia illa, cui omnes subjecti essent, quamque centrum commune haberent. Unitas ita Ecclesiae, quae doctrinam spectaverat, ad solam jam hierarchiae unitatem referri videbatur. Clerici, qui antea populi favorem venati fuerant, hunc ne attendebant quidem; laicorum auctoritati in Ecclesia sensim repugnabant, et principum imperium in rebus sacris, etsi minime neglectum, certe clericorum imperio postponebatur. Hierarchiae Romanae administri, rebus suis lautis prospicientes, crassa, quae tunc grasfabatur, superstitione abutebantur; ritibus, ceremoniis ac diebus festis pietas absolvebatur, atque in cultu hisce referto omnes requiescebant (2).

Or-

(1) Sunt ipsa verba decreti a quatuor conciliis lati, seu confirmati. Conf. Villers, *Essai sur la réformation de Luther*, pag. 388 et 389.

(2) Conf. Gieseler, l. c. pag. 209—215.

Ordinatio clericorum, mysticâ ratione constituta, unum corpus ex variis dignitatis gradibus constituebat; omnes ita hierarchiae focii, honorum cupidi, viam sibi late patentem videbant, quâ ad auctoritatis fastigium pervenire et dominium in saeculares, quod sibi competere dicebant, tenere possent. Ut porro huic dominandi studio faveretur, muneribus ecclesiasticis, ad majus coetuum emolumentum primum conditis, alia nullius fere momenti addebantur, quae omnia, ad sedem Romanam pertinentia, hierarchiam Romanam, non Christianam, effecisse recte dicuntur. Dividebantur igitur, saeculo medio XI, ditiones, quas spiritali auctoritate regebant Clerici, in primatus, dioeceses et archidiaconatus; his acceserunt parochiae, quibus patroni, tanquam horum coetuum conditores, praeerant (1); hi exinde sibi jus collationis sumebant, ac, pretio constituto, munera Ecclesiastica nullius pretii hominibus tradebant. Habemus hinc abusuum litiumque fontem uberrimum, qui nobis postea pluribus est memorandus (2).

Cum hierarchiae indoles *culis* et *doctrinae* ratione optime dignoscatur, verbo haec attendere li-

(1) De horum origine Conf. Planck, l. c. II. B. pag. 619—634. de eorum progressibus, l. l. III. Band, pag. 169 seqq.

(2) Conf. quae de Simoniâ sunt dicenda, hujus Commentationis Parte II. Cap. II. §. 2.

riceat. Pompa in cultu et cultus, pietatis loco, in Ecclesiam medio hoc saeculo maxime irreperant, et, quae antea moris tantum fuerant, omnibus jam tanquam leges imponebantur. Ex ingravescente superstitione sententiae manabant ineptissimae; de Mariae meritis, de Reliquiarum veneratione, de Sanctorum cultu, absurda quaeque proponebantur (1); Mariam enim alteram Dei hominumque mediatricem, Sanctos multorum milium captivarum animarum redemptores, Reliquias fide ad salutem efficaciores ipsi Christianorum antistites praedicabant (2).

Doctrina hujus aetatis barbariei itidem consentanea erat; de dogmate Trinitatis, quae dicebatur, doctiores in primis acriter contendebant; alii, in his Roscelinus, Tritheismi cujusdam fautores, dicebant in Deo tres animas seu angelos esse recensendos; alii, quorum erat Anselmus, alia ratione subtiliter philosophantes, unam tantum in Deo agnoscebant substantiam, tribus tamen personis divisam, quarum singulae varia sibi propria habebant attributa. — Lites de procesione Spiritus inter Graecos et Latinos renovatae sunt, et schismatis, nisi causa, saltem opportunitas evaserunt (3); de satisfac-

(1) Conf. Gieseler, l. c. pag. 245—252.

(2) Conf. Annae Comnenae, *Alexiad.*, Lib. VII.

(3) Dicebant scilicet Graeci S. Spiritum *ἐκπροσέσθαι* e toto Patre, non e Filio; Latini vero hunc non tantum a Filio dari, *μεταδιδοσθαι*, sed etiam ex eo progredi.

factione Christi et de praedestinatione accuratius etiam disferuerunt, auctore maxime Anselmo; de calice, laicis denegando, necne, jam loqui coeperant; sed eo, ut denegaretur, nondum pervenerant (1); de dogmate tandem praesentiae Christi in Eucharistiâ diversae fuere sententiae, de quibus uberius, haeresin Berengarianam exponentes, disputabimus (2).

### §. 2.

#### *Hierarchiae Romanae auctoritas.*

Variis hierarchiae aetatibus clericorum dominandi studium, temporum opportunitatibus accommodatum, animadvertere jam potuimus; primâ enim aetate Christianorum antesignani ubique coetus condiderunt, iisque duces praeposuerunt; secundâ, principum favorem nacti, hierarchiam jam constitutam stabiliverunt; tertiâ tandem hierarchica monarchia exstitit, quae summo studio prae principibus ditionem suam spiritualem extendere studuit.

Ex barbarorum enim colluvie nova exsisterant  
reg-

(1) Quae de hac re hujus Commentationis Parte II. Cap. II. §. 5. pag. 73. nota (4), dicta sunt, ad hanc sententiam tuendam etiam faciunt.

(2) Conf. hujus Commentationis, Part. II. Cap. II. §. 5. pag. 74 et 75.

regna novaeque gentes, quae, torrentis instar, civilia imperia evertentes, Ecclesiastico se addixerant; nimirum moralia religionis Christianae placita eorum mentes adverterant, et, cum melioris conditionis semina proferrent, sacra Christiana amplectentes, hierarchiae simul imperio se submiserunt (1). Pontifices vero Romani, his opportunitatibus diligenter utentes, monarchiam suam indies firmiorem reddere continuo studuerunt (2).

Attamen sua studia singulae gentes in religionem Christianam transtulerunt, et diversa pro his ratione sese erga hierarchiam gesserunt. Auctoritas enim clericorum, quae in Italia suprema evaserat, in aliis regionibus, medio saeculo XI, magnopere restringebatur; imo tot modis principes rebus sacris sese immiscebant, tanta jura in Ecclesiam sibi vindicabant, et vinculo tam arcto praepotentium clericorum dominium cum imperio civili connectebatur, ut multi tunc temporis de Laicorum auctoritate in rebus Ecclesiasticis minuenda, nemo vero de hac prorsus tollenda, cogitare ausus fuisset.

Quo rectius de Hierarchiae Romanae auctoritate in variis regionibus diversa judicemus, lubet hanc in

(1) Conf. Robertson, *The history of Charles V.*, Vol. I. Sect. I pag. 65.

(2) Conf. Villers, *Essai sur l'influence de la Réformation de Luther*, pag. 298 et 299.

in gente Italiâ, Gallicâ et Germanicâ majori minorive jure gaudentem attendere.

Religio Christiana, quae, rite intellecta, optima quaeque studia alit, quae hominum facultates explicat, nec finit esse feros, male adhibita ad superstitionem et inde ad ignaviam Italos adduxerat; omnes fere ibi dominationi Pontificis Romani servili ratione tunc subjecti erant, quem servum servorum Dei dicebant, sed simul tanquam J. Christi vicarium, et S<sup>i</sup> Petri succesorem inepte colebant. Imperatoris Germanici in Italiâ ab Ottone I. inde auctoritas, et, in ipso S<sup>i</sup> Petri Patrimonio, factio Thuscana, quae dicebatur (1), Hierarchiae dominium quibusdam limitibus circumscribebant; ceteroquin Papis in hâc regione via ad despotismum late patebat.

Hierarchiae Romanae auctoritas in Galliâ, medio saec. XI, nulla fere fuisset, si Caroli, temporum ratione habitâ, vere Magni, succesores hujus vestigia presfissent; corruebat vero ingens illud, quod condiderat, imperium (800); tantae sustinendae moli debilitas Ludovici pii (814) ejusque succesorum haud par erat. Verum enim vero Papae summâ auctoritate in hâc regione nondum pollebant; Galli enim, memoriâ rite tenentes Pon-

(1) Conf. Planck, l. c. II. Band, pag. 246 et 366 seqq. Facile haec *Thuscana*, *Guelphorum*, quae Papis favebat, opposita, *Gibelinorum* vulgo dicitur.

Pontifices Romanos auctoritatem civilem a Pepino et Carolo accepisse (1), monarchiae ultramontanae moderandae curam retinere cupiebant; Papae vero, beneficii immemores, suam terrestrem ditionem lubentius ex fictâ quâdam Constantini donatione (2) repetebant, et summo odio peculiaria Ecclesiae gallicanae jura prosequerantur, quae tamen adversus Papas in Ecclesiâ universè regundâ, in Synòdis auctoritate suâ convocandis (3), in Christianorum coetibus et Clericorum bonis administrandis nonnulli Galliae reges, adjuvantibus haud raro ipsis Episcopis, fortiter sibi vindicarunt (4).

Clericorum vero auctoritas in Germaniâ multo magis circumscripta erat; imo hierarchia ibi civili imperio subiecta videbatur; iugo extraneo Paparum repugnabant Germani, qui, cum variis gentibus coalescentes, indolem tamen sibi propriam retinuerant; imperium illud spirituale liberalioribus suis studiis et sensui justo, quem jam exerebant, plane adversabatur. Praeterea imperii occidentalis

se-

(1) Conf. Planck, l. c. II. B. pag. 766 seqq.

(2) Conf. Gieseler, l. c., II B. Erste Abth. nota (r), pag. 147.

(3) Johannes VIII. (872) primus contenderat penes solos Papas esse concilia convocare, sed frustrâ; principes, ad Gregorium VII. usque, hoc jus in ditionibus suis singuli retinuerant. Conf. Planck, l. c. III. B. pag. 412 seqq. l. c. IV. B. Erste Absch.

(4) Vid. Planck, l. c. III. B. pag. 35 seqq. et 169 seqq.



sedes illiusque ἐπέγεια, ab anno jam 962, in Germaniam transierat, unde hujus regionis Imperatores Paparum eligendorum jus sibi solis tribuebant; porro, ex fundis clientelaribus, ad bona Ecclesiastica pertinentibus, *Investituram* (1) Episcoporum, aliaque multa jura sibi competere contendebant; etenim clerici, in variis Germaniae regionibus dispersi, multa possidebant bona, quae, et coenobia et pastoralia, e donis superstitione seu metu poenarum ultimo vitae spatii concessis, seu dolo raptis, ut plurimum, orta fuerant (2). Clerus ita sensim rebus politicis immiscebatur, et a principibus haud raro consulebatur, cum hi illius auxilio, ad bellum gerendum aut pacem ineundam, indigerent. In his ditionibus, quas jure suo regebant Episcopi, privilegio fori etiam fruebantur, et lites inter Clericos et laicos dirimendas sibi sumebant. Inde patet hierarchiae formam, extra Italiam, ante Gregorium VII, monarchico - aristocraticam fuisse (3).

(1) De *Investiturae* jure, conf. hujus Commentationis, Part. II. §. 1 et 2, et Planck, pag. 128 seqq.

(2) Conf. Planck, l. c. II. B. pag. 196—205, et III. B. pag. 445 seqq.

(3) Conf. Heeren, *Gevolgen der Kruistogten* 1823, pag. 65. fine.

## §. 3.

*Hierarchiae Romanae subsidia.*

Varia fuerunt variis temporibus hierarchiae subsidia; in quibus, medio saeculo XI, recensentur cum auctoritas Paparum legislatoria, tum ritus Ecclesiae Romanae sacri, denique monachorum ordines.

Quod ad *primum* attinet, jura, quae e fictis Sardiceni cujusdam concilii (344) decretis sibi immerito adjudicaverant Papae, jam palam et aperte, ope Canonum, saeculo IX ortorum, sibi vindicabant; haec supremam ei tribuebant auctoritatem in causis cognoscendis, in litibus dirimendis, et in Episcopis eligendis. Excitabant ita clericos, ut a iudiciis civilibus ad Romanum Pontificem provocarent, omnibusque universe perfugium offerebant (1). Ex iisdem Canonibus Episcopi pallio, tanquam debitae obedientiae signo, a Papis ornari, horumque ad usum tributa Sti Petri, quae dicebantur, solvere debebant. Cum vero sese iudices supremos fallique nescios praedicarent Papae, concilia oecumenica magis magisque evanuerunt; in tali enim regimine monarchico senatu haud opus erat; doctrina videbatur constituta, et decreta jam lata legum

viii

(1) Conf. Planck, L. c. III. Band, pag. 531 seqq. et 803 seqq.

vim habebant; quod si novis decretis opus esset Papis, mox pseudo-decretalia, ante multa saecula conficta, forte fortunâ inveniebantur (1). Synodi provinciales, quae auctoribus Papis indicabantur, ad solas fere haereses in Ecclesiâ ortas, non vere ad societatem Christianorum universam, attendebant; haeretici enim habebantur, qui, religionem Christianam profitentes, partim a catholicis Romanis discrepabant; quin et illos futurae salutis expertes dicebant, cum extra Ecclesiam, salutis matrem, viverent. Aliis telis populi contumaces, aliis principes, auctoritatis papalis adversarii, petebantur; anathemate hi, interdicto illi continuo percutiebantur (2). Praeterea Papae in singulas regiones vicarios seu officiales mittebant, qui hierarchiam semper et ubicunque vindicare latiusque extendere conarentur. Hi, e mandatis suis, rebus alienis se immiscentes, iisque auctoritatem papalem nimis superbe interponentes, ipsorum Episcoporum querelas nonnunquam excitarunt.

*Porro* Ecclesiae Romanae ritus auxilium hierarchiae progresibus praebebant validissimum. Reditus Clericorum, ope misfarum, sacrificiorum, aliorum, in dies augebantur; bona Ecclesiastica sacra esse videbantur, atque ita a tributis, exactionibusque immunia;

(1) Vld. Gieseler, l. c., II B. I. Abth. pag. 135—147; Planck, l. c. pag. 800 seqq.; Spittler, l. c. pag. 175 seqq.

(2) Conf. Planck, l. c. II. B. pag. 317. §. 7—11.

nia; unde exstitit fiscus ingens Ecclesiasticus, qui reservationibus, indulgentiis, et innumeris privilegiis sensim cumulabatur. Confessione auriculari clerici arcana quaeque facinora perscrutabantur, intimorum uniuscujusque consiliorum conscii fiebant, et omnia hac ratione patefacta ad maximum adhibebant hierarchiae commodum incrementumque, quod inprimis spectabant; inde oriebatur discrimen inter peccata privata, quae soli confessori innotuerant, et publica, quorum et alii haud ignari erant. Disciplina inani constabat poenitentia, quae, nomine Dei imposita, ab hominibus pro lubitu solvebatur; praestitis jejuniis, peregrinationibus ac precibus iteratis, horrenda quaeque flagitia condonabantur (1).

De munere Christianos docendi, quod ad Apostolorum succesores inprimis pertinebat, Clerici ne cogitabant quidem; imo superstitionem potius et ignorantiam laicorum alebant, ut suam ipsi augerent auctoritatem.

*Tandem* Monachici ordines hierarchiae haud contemnendum fulcrum posuerunt; a laicis, ad quos primum pertinuerant, in cleri ordinem sensim transierant Monachi; votis obedientiae, paupertatis, castita-

tis

(1) Conf. Gieseler, l. c. II. 1. 254 seqq.; et in primis Planck, l. c. III. B. II. Abschn. Cap. VI. maxime §. 5 seqq. etiam W. Robertson, *The history of the reign of Charles V.* Vol. I. Sect. pag. 25. et ibi nota 21.

tis atque ordinem non relinquendi, societati suae singuli erant adstricti, sed universi ordines indole sua arctius cum hierarchia conjuncti erant; in omnes partes dispergebantur; speciosa sui abnegatione plebi maximopere sese commendabant, et ita ad pomoria Paparum assidue extendenda, quod maxime spectabant, aptissimi erant (1).

## C A P U T III.

*Hierarchiae Romanae, medio saeculo XI. conditio et auctoritas singulatim spectata.*

*Papae ante Gregorium VII, ab anno  
1049 ad 1073.*

## §. I.

*Leo IX, (1049—1055).*

Defuncti Damasci II. (1048) Bruno, Episcopus Tullensis, a cognato suo, Henrico III, Germaniae Imperatore, in synodo Wormatensi successor eligebatur. Hic ipse, natione germanus, illico Romanam iter fecit, sed antea, quam Alpes transgredere-  
tur

(1) Conf. Theiner, I. c. I. B. pag. 109 seqq.; et II. B. I. Absh. pag. 201.

tur, aliquamdiu in monasterio Cluniacensi moratus est, ubi familiaritatem cum monacho hujus ordinis, Hildebrando, contraxit, cujus morum austeritatem, indolis prudentiam ingenii acumen miratus, eum itineris ac futuri muneris socium assumpsit (1).

Cum Bruno, Leonis IX. nomine deinceps designatus, a populo Romano in dignitate sua, suadente Hildebrando, confirmatus esset, convocato Remensi concilio (1049), simoniam et alia clericorum vitia tollere conatus est (2); egit praeterea de ministeriis ecclesiasticis et altaribus, quae a laicis tenebantur, de pravis consuetudinibus ab his in ecclesiarum atriis inductis, aliis (3); vetuit tandem ne quis Clericorum arma militaria gestaret aut mundanae militiae deserviret (4). Brevi post suo ipse exemplo ostendit, quatenus tale quid in  
cle-

(1) Otto Frisingensis *Chron.*, Lib. VI. Cap. 33.

(2) Ut ita clericos decretis emendare conaretur, Leo anno 1046 ab Henrico III. impellebatur, qui Romae idem frustra tentaverat.

(3) Ut his abusibus finis imponeretur, Leo symboli speciem edidit, quo fides catholica stabilis et immota haberetur; hoc symbolum quatuor conciliorum auctoritate nitebatur, quae veluti quatuor Evangelia esse veneranda ipse profitebatur. Vid. ejus epistola ad Petrum, Episcopum Antiochenum, quae est quinta in Harduini, *Actis Conciliorum*, Tom. VI. Part. I. pag. 952; et Concilii Remensis acta, ibidem, pag. 994.

(4) Conf. Concilii Remensis acta, in *Actis Conciliorum*, Harduini, Tom. VI. Part. I. pag. 1007. Can. VI.

clericis vituperaret, et quomodo factis leges, quas promulgaverat, observare studeret.

Normanni enim, in Italiam sensim procedentes et ad ditionem Papae civilem accedentes, in Apuliam impetum fecerunt. Leo autem excommunicationis, anathematis ac interdicti fulmina adversus hos barbaros irrita videns, copias ab Henrico III. efflagitavit, quibus impetratis, expeditionis cujusdam sacrae ducem se praebuit, atque, in prima acie versans, continuo adversus hostem agmen duxit (1053); sed haudquaquam felici successu, nam praelio cum Normannis prope Beneventum commisso, profligatus est Papae exercitus, et, ipse primum captus, victorum clementiae ac superstitioni salutem libertatemque debuit (1).

Sub hoc etiam Papâ magnam cladem, de qua jam egimus (2), subiit hierarchia, quum, schismate Graecam inter et Latinam Ecclesiam orto, omne vinculum a Michaelē Caerulario, Patriarchâ Constantinopolitano, distraheretur (1053). Leo IX, infelici hoc controversiarum a se motarum exitu nondum deterritus, novarum cum aliis altercationum auctor fuit, decreta de praedestinatione, de gra-

(1) Sic Llorentius, *Portraits des Papes*, Tom. I. pag. 331. Planckius vero aliter rem proposuit, l. c. IV. B. I. Abschn. pag. 61 et 62.

(2) Conf. hujus Commentationis, Part. I. Cap. I. §. I; et Theiner, l. c. tlv. B. I. Abth. pag. 35 seqq.

gratiâ, de animâ et de conciliorum auctoritate satis inepta edens, quamvis bono, ut videtur, consilio (1).

Et si natione Germanus, gentis suae indolem minime expresit Leo; homo fuit turbulentus, acer atque inquietus, qui nunquam a futilibus laboribus susceptis requiescens, ad hos tuendos peragendosque prudentem Ecclesiae gubernationem, quam omnes desiderabant, neglexit.

## §. 2.

### *Victor II. (1055—1057).*

Post multa de novo Papâ eligendo disfidia, quae per integrum annum duraverunt, clerus Romanus Leonis IX. successorem, qui Henrico III. proponeretur, designandi curam Hildebrando, id temporis subdiacono, mandavit, qui Gebhardum, Episcopum Eichstadiensem atque intimum Imperatoris consiliarium, nomine Victoris II, ad hoc munus obeundum Romanis obtulit (2). Quod non nisi aegre assensu suo confirmavit Imperator (3), quum,

(1) Conf. Venema, *Eccles. Hist.* Tom. V. pag. 581.

(2) Hoc ab Episcopis Moguntiae congregatis factum fuisse haud accurate dixit Hermannus Contractus, in *Chronographia*, ad annum 1054. fine.

(3) De hac Gebhardi, ad sedem papalem electione confertur omnino Planck, l. c. IV. I. Abschn. pag. 42—51.



quum, et in instituendo filio suo, et in imperio administrando Gebehardi auxilio sibi opus esset. Nonnulli hunc etiam invitum ad Episcopi Romani dignitatem evectum dixerunt; vel sic tamen Gebehardus statim Romam se contulit, atque ibi, auctore Hildebrando, antequam munus obiret, confirmationem populi ac cleri Romani postulavit. Synodo deinde Florentiae convocata, (1055) simoniam ac Ecclesiae bonorum alienationem, interposita excommunicationis poena, prohibuit (1), sed decreta exsequenda imbecillius curavit (2).

Henricus III, jam moribundus, Victorem II. ad se rursus accersivit, ac filium suum, futurum Henricum IV, in hujus clientelam commisit. Post obitum vero Imperatoris (1056), Papa honorifico hoc munere haud diu functus est; ipse enim, postquam per duos tantum annos papatui prae-fuisset, dumque multa ad maximum Imperii commodum (3) Ecclesiaeque emendationem animo

Ver-

(1) De hoc concilio videantur Harduini, *Acta Conciliorum*, Tom. VI. Part. I. pag. 1039; conferatur etiam Petri Damiani epistola, quae est in illius operibus a Ca-jetano collatis, Epist. Lib. IV. Epist. 12. Tom. I. pag. 123.

(2) Conf. idem ad Victorem II. l. c. Epist. Lib. I. Epist. 5. Tom. I. Pag. 6.

(3) Conf. Planck, l. c. IV. B. I. Abschn. pag. 54. et, quem Planckius ibi citavit Lambertus Schaff, ad annum 1056.

versaret consilia, Florentiae morbo correptus, de vitâ migravit (1057).

Vir ille fatis strenuus, valde pius nec parvus fuit religionis cultor; vitam asperrimam degit; plura vero perfecisset, nisi mors eum rebus inchoatis abripuisset.

### §. 3.

#### *Stephanus IX. (1057—1058).*

Victorem II. Florentiae morantem, Fredericus, Ducis Lotharingiae filius, monasterii Montis-Cas-sinensis Abbas, de injuriis a Comite Tienensi sibi illatis expostulatum adiit; Papa Abbatem sibi perplacentem non tantum a Comite vindicavit, sed eum ad Cardinalis dignitatem evexit ac Romam secum duxit. Fredericum huncce, Victore fatis functo, populus Romanus, apud quem gratiâ florebat, Papae successeorem designavit; ille vero, intima mentis consilia dissimulans, hanc dignitatem abnuit; quamobrem, adhibitâ vi, domo sua ad S<sup>u</sup> Petri aedem ductus est, ubi Stephani IX. nomen accepit. Munere suscepto, Hildebrandum ad Agnetem, impuberis Henrici IV. matrem, misit legatum (1), qui cum illâ de optimâ viâ ageret, quâ cle-

(1) Lambertus Schafnaburg, *De rebus Germanorum*, ad an. 1058.

clerici, voluptate diffuentes ac pravisimis libidinibus dediti, ad faniolem tandem mentem adducerentur. Cum vero ipse Papa huic emendationi operam daret, ac simul, tum de fratre Godefrido, Tusciae Duce, ad Imperatoris Germaniae dignitatem evehendo, tum de Normannis ex Italia expellendis serio cogitaret, mors eum Florentiae intercepta (1058) (1).

Stephanus IX. per integrum fere annum sedem papalem occupavit, sed, brevi hoc temporis spatio, animum honoris cupidum ac magna suscipientem consilia palam et aperte prodidit.

#### §. 4.

*Nicolaus II. (1051—1061).*

Nonnulli Romanorum proceres suis commodis, absente Hildebrando, consulentes, Joannem, Veletri Episcopum (2), Benedicti X. nomine, Stephani successorem clam creaverunt (1058). Hildebrandus vero, e Germaniam reversus, hac de re certior factus, Florentiae moratus est, ut

ibi

(1) Conf. Planck, l. c. IV. B. pag. 55; et de Normannis a Stephano ex Italia expellendis, idem ibidem, pag. 63. nota (4).

(2) Hunc turbulentae indolis Episcopum dixit Planckius, l. c. IV. C. I. Ab. pag. 57.

ibi populi Romani animum erga novum Papam perciperet et consilia eventis ponderaret. His cognitis, Hildebrandus Siennam Romanos Episcopos convocavit iisque Gerardum, Florentiae Episcopum, supremi Pontificis munere ornandum obtulit (1). Hic clericis acceptus, populo gratus et ab Imperatore comprobatus, Nicolai II. nomen sumsit, Romam continuo profectus est, et Benedictum ad dignitatem suam abdicandam coëgit.

Anno 1052 Nicolaus Concilii Lateranensis auctor fuit, ubi omnibus dissidiis de Paparum electione finem imponere sibi proposuit; quam ob causam Cardinalium supremum collegium instituit (2), penes quod Paparum electio in posterum foret. Cardinalium (3) scilicet mentio saeculo VIII. jam facta fuerat, qui tunc majorum ecclesiarum presbyteri ac diaconi Romae erant; iidem deinceps singulis parochiis praefuerunt, sed vel sic tamen semper infra Episcopos habiti fuerant. Ex urbi-

(1). Lambertus Schafnaburg. *de rebus Germanorum*, ad annum 1059.

(2). Vid. Villers, l. c. pag. 411.

(3). Nomen Cardinalium, unde ortum sit, non omnes sentiunt; alii illos sic dictos existimant utpote *Cardines* Ecclesiae; alii rursus quod proximi essent *Cardini*, quo moventur omnia, Papae; alii tandem et verius, ut videtur, Cardinales simpliciter dictos fuisse putant tanquam *Principales*. Cardio enim apud optimos etiam auctores significat, id quod in aliqua re *praecipuum* est.

bus vero Romae vicinis Nicolaus septem nominavit, ad quos cum Papas, tum clericos, creandi jus pertineret; unde eorum dignitas omnibus aliis, excepta Papali, superior evasit. Exstitit ita Curia quaedam Sacro-Sancta, cujus auctoritatem nonnullae gentes, e. g. Galli, majoris quam ipsius Papae fecerunt. Hujus autem instituti vim uberius exponendi in altera commentationis parte opportunitatem habebimus (1).

Eodem anno (1059), Papa anathema in Normannos a Leone IX. latum solvit, atque jure suo iis Apuliam, Calabriam et Siciliam, tanquam praedium beneficiarium seu fundum clientelarem, concessit (2); quā agendi ratione quieti non minus quam potentiae consuluit, cum et hostem infestum amoveret, et jus de orbe terrarum Christiano pro lubitu disponendi sibi competere factis ostenderet (3). Talem autem concessionem sibi haud necessariam esse probe sciebant Normanni, qui antea jam his regionibus potiti fuerant. Nicolaus vero ita agens, ut, Normannorum auxilio adjutus, sedis

(1) Vim hujus instituti egregie exposuit Planck, l. c. II. B. I. Ab. p. 71—82. — De eodem argumento conf. hujus Commentationis Part. II. Cap. I. §. 2. et Cap. II. §. 2. et Gieseler, l. c. II. B. I. Ab.

(2) Vid. Heeren, *Gesolgen der Krönstetten*, pag. 73.

(3) Hanc callidam Nicolai erga Normannos agendi rationem vi et consiliis Hildebrandi tribuit Planckius, l. c. IV. B. I. Ab. pag. 60 seqq.

sedis suae adversarios eo facilius sibi subjiceret, procerum Romanorum odium in se concitavit, qui Normannis, Italiae meridionalis legitimis dominis, sese subjici aegre tulerunt.

Ut vero remotiorem Angliam sibi devinciret, Nicolaus cum Rege Eduardo novum iniit foedus (1061), quo amplissima jura coenobio Westmonasteriensi dedit; huic enim, Paparum vice, universae Anglicanae Ecclesiae moderamen tribuebatur (1).

Pietate ac moribus fuit insignis (2). Rationem, quâ per tres annos satis feliciter Ecclesiam administravit, majoribus efferremus laudibus, nisi in his factis Hildebrandum auctorem, uti patebit, haberemus.

### S. 5.

#### *Alexander II. (1061—1073).*

Cardinales, tumultus de eligendo Nicolai successore metuentes, jure, quod sibi a defuncto Papa datum fuerat, usi sunt, et, suadente Hildebrando, An-

(1) Vid. Pagi ad Baron. *Critica*, ad annum 1051, Tom. IV. pag. 189.

(2) J. Voigt, in opere: Hildebrand etc. pag. 50. valde erravit cum Damiani de Alexandro II. testimonium ad Nicolaum referret. Vid. P. Damiani, Epist. Lib. III. Epist. 4.

Anselmum, Episcopum Lucensem, Papam creaverunt (1). Agnes, quod suam confirmationem non expectassent, aegerrime tulit, quocirca Basiliae, ubi concilium habebatur, Anselmum, Alexandrum II. dictum, e sede papali ejectum declaravit, ac hujus loco Cadolum, Episcopum Parmensem, Papam creaverunt, qui Honorii II. nomen sumsit et exercitio stipatus Romam missus est (2). Sed ille devictus et Romam, quam obsederat, pulsus, Parmam discescit, et in papalibus insignibus, quae retinuit, amiscae dignitatis solamen quaesivit.

Alexander II, injuriam Henrici IV. ulcisci cupiens, eum accusavit, quod munera Ecclesiastica venalia fecisset, legatisque missis eum, ut causam ageret, Romam citavit (3). Ad Imperatorem etiam respiciens, penes ullum laicum investiturae jus esse negavit, et quemcunque clericum a laico hanc accipientem damnavit. Henricus autem, qui tunc in Saxones et Ottonem, Bavariae Ducem, bellum intendebat, hanc rem ad tempus magis opportunum distulit; belloque feliciter gesto, Papae legatos cum minis ablegavit, et ipse Romam tres misit  
le-

(1) Conf. Planck, l. c. IV. B. I. Ab. pag. 81 seqq.

(2) Gieseler, l. c. pag. 191. Planck., l. c. IV. B. I. Ab. pag. 84 seqq. qui hic Lambertum Schafn. ad annum 1064. ducom secuti sunt.

(3) Referente Ottone Frising, *Chron.*, Lib. VI. Cap. 34.

legatos, qui cum Papâ litigarent, ac Imperatoris vices ibi gererent.

Etiam si vero Alexander antea Simoniacus diceretur (1), vel sic tamen, Synodo Romae convocata (1063), in clericos Simoniae reos maxime saeviit (2); eodem anno, confanguineorum matrimonia ad septimam usque generationem prohibuit, quae, si fierent, incesta dixit. Quum vero privatis vindictis hoc aevo grassantibus finem decretis imponere non posset, hanc foederis rationem, *Treugam* dictam (3), restituit, quâ in fine hebdomadis, quae memoriam perpersionum Christi instaurabat, a caedibus quisque abstineret; initio vero hebdomadis jus vindictae privatae exercere, agros vastare, domos diripere, urbes flammis dare cuicumque viribus valenti licebat! Eo etiam procescit audaciae, ut primus veniam peccatorum plenariam iis concederet, qui vexillum adversus Infideles sequerentur, modo poenitentiam ac

re-

(1) Petrus Damianus, irâ in Honorium II. ductus, Alexandrum II. multis laudibus haud satis caute effert, eum dicens: *bono litteratum et vivacis ingenii, sine suspitione castum, in erogandis elemosynis pium*, Vid. P. Damiani, Epist. Lib. III. Epist. 4.

(2) Hujus Concilii decreta occurrunt in Harduini *Actis Conciliorum*, Tomo VI. Part. I. 1137.

(3) Gallice, *Trêves*; Conf. Venema, *Hist. Eccles.* Tom. V. pag. 614; Planck, l. c. III. B. pag. 535; Millot, *Histoire de France*, Vol. I. pag. 339.; Gieseler, l. c. pag. 270 seqq; et Acta Concilii Narbonnensis, in *Actis Conciliorum* Harduini, Tom. V. Part. I. pag. 1034.



resipiscentiam promitterent (1); ab alterâ vero parte in extrema ruens, omnes, qui edicta sua non exsequerentur, anathemate perpetuo percutiendos esse decrevit, et „ homines severius ob humanam „ legem, quam ob divinam violatam, punire visus „ est ” (2).

---

Eo igitur auctoritatis pervenerat hierarchia, anno 1073; tempora autem praesentia futurarum rerum erant graviora; omnia jam majorem vim spirabant; in Alexandri facinoribus Hildebrandum res pro arbitrio administrantem (3), magna cogitantem, futura praeparantem animadvertimus. Ut vero hunc suo Marte agentem intueamur, desiderio flagramus; ad alteram ita hujus commentationis partem transeamus; ad ipsum Gregorium VII, novae illum conditionis auctoritatisque hierarchicae auctorem, in qua propositae quaestionis versatur cardo, ac optimae spei, quae animum incendit, causa!

(1) Conf. Venema, *Hist. Eccles.* Tom. V. pag. 589. Clar. Kist *over den Afsaathandel* in N. C. Kist en H. J. Royaards, *Archief voor Kerkelijke Gesch.* I. pag. 154.

(2) Quam ob causam Petrus Damianus Pontificem Romanum haud leviter reprehendit in Epist. Lib. I. Epist. 12.

(3) Conf. Planck, loco saepius citato, IV. B. I. Ab. pag. 49.

## P A R S A L T E R A.

*Quam subiit Hierarchia Romana, auctore Gregorio VII, commutationem?*

## C A P U T I.

*Hildebrandi vita privata et Ecclesiastica,  
ad annum 1073.*

## §. 1.

*Hildebrandi vita privata, ad 1048.*

**H**ildebrandus, Senae, seu Saonae, in ignobili Tusciae urbe natus (1), patrem habuit lignarium quemdam, Bonizium, virum conditione sua superiore, qui, in filio eximias ac prorsus singulares animadvertens dotes, eum variis clericis commisit docendum, inter quos

(1) Platina, *De vitis Pontificum*, pag. 173. De anno, quo natus sit Hildebrandus, nihil constat; quin etiam dubitant nonnulli utrum Senae an Romae natus sit. Conf. Platner, l. l. IV. B. I. Ab. pag. 40 sqq., et Baronius, l. c. ad an. 1073.

quos in primis notandus est Joannes Gratianus, postea Gregorii VI. nomine ad sedem papalem evectus (1044). Hildebrandus ita, a pueritia inde inter clericos versatus, usu rerum et experientia edoctus est (1), easque tunc imbibit opiniones, quae, tenera aetate susceptae, per totam vitam animum movent et flectunt, atque ad nulla non suscipienda incitant. Eminuit praeterea puer facultatibus praestantissimis, ita tamen ut pro asperiore ingenio magis rebus sub sensus cadentibus, quam intimis animi affectibus, moveretur.

Gregorius VI. (2), ab Henrico III. (1046) dignitate papali privatus, in monasterium Cluniacense se contulit, quo magistrum secutus est Hildebrandus (3). Magnam vim in hujus ingenium hanc rem habuisse omnino suspicari licet; quo magis enim, invitus huc iter fecit juvenis, eo etiam

(1) Gregorius, hoc spectans, de se ipso sic loquitur: *Sanctus Petrus a puero meo in domo sua dulciter nutritus*. Epist. Lib. VII. Epist. 23.

(2) Ille Papa a Platina, *De vitis Pontificum*, pag. 167, monstrum teterrimum iniquius dictus fuit. Conf. Octobius, *Fidelis gentis*, testimonium in *Chron. Lib. VI. Cap. 32*.

(3) Otto Fris., haec narrans, satis ingeniose hunc Lucani versum citat:

*Victrix causa diis placuit, sed victa Caesari*

adhaecque hanc causam, in qua sententia principis et episcoporum praevaluit, Hildebrando semper displicuisse. Vid. *Chron. Lib. VI. Cap. 32*.

etiam acerbius Imperatori succensuit, a quo e mediâ familiâ sublatus, e carâ patriâ depulsus, et in exilium missus sibi videbatur; quoties praeterea Gratianum de injuriâ, sibi ab Henrico illatâ, de praepotentium laicorum immani tyrannide, de paparum servitute querentem audiret, toties animo feruens Hildebrandus, ubi amici sortem lugeret, irâ in laicos ferri debebat; nec poterat non rem perpetuare, clericorum, quibus addictus erat, servitium secum reputare, ac sibi conditionem feliciorē animo informare. Quis quaero harum rerum viti in futura Gregorij VI. facinora neget? Sed illuc revertamur.

Hildebrandus, aliquamdiu in coenobio Cluniacensi moratus, et ipse vitam monachicam amplexus est. Conditum erat hoc, anno 916, in amoena diocesi Matisconensi a Guilielmo Pio, Arvernorum Duce, eique primus abbas praepositus Berno (910) (1). In mediis clericorum vitiis et hierarchiae abusibus severiori regulâ hoc institutum elucebat; pauperibus aequè ac divitibus patebat; bona voluntas tanquam dos optima a candidatis exigebatur; vota castitatis, caritatis, humilitatis et sinceritatis in perpetuum erant injuncta (2); qui-

(1) Vid. hujus loci descriptionem in P. Damiani *Epistolis*, Lit. VI. Epist. 4. Coar. Planck, t. c. III. B. I. Abh. II. Absch. 5. 4.

(2) Vid. Gieseler, t. I. c. IV. B. I. Abh. pag. 209, 214.

quibus institutis Abbates Berno et Odo (927) ad genuinam regulam Benedictinam, alibi depravatam, monasterium suum reducere conati fuerant (1). Hildebrandus autem discendi studio ac constantia sua in observandis regulis praescriptis brevi inter monachos enituit; omnes vires eo intendit ut animi pertinaciam pravasque cupiditates superaret (2); et ita jam haec severiora suscepit studia, quorum vis in ejus institutis deinceps conspicua fuit. Nomina celebritatem sensim nactus est, ut adeo fama ejus ad Imperatorem, Henricum III., perveniret, qui eum ad se accersivit, et non sine favoris sui testimoniis dimisit.

Nec diu post Hildebrandus ad Prioris dignitatem evectus esse videtur; hoc enim munere jam fungebatur, quum Leo IX., ab Henrico III. (1048) Papa designatus et a synodo Wormatensi Romam proficiscens, monasterium Cluniacense adiret (3).

§. 2. *Hildebrandi vita Ecclesiastica, ad annum 1073.*

Cum Hildebrandus Leone IX., in monasterio Cluniacensi morante, familiariter uteretur, hunc ita

agen-

(1) Conf. Vahlbrodt, *Annalen. Bened.*, etc. ad saeculum V. Tom. I, pag. 68, et ad saeculum IX. Tom. II. pag. 460.

(2) Otto Frising., *Chron.* Lib. VI. Cap. 32.

(3) Conf. Planck, h. o. IV. B. I. Ab. pag. 83 seq. (1)

agentem, loquentem et insignia summi Pontificis induentem animadvertit, ac si jam prorsus auctoritate papali gauderet. Hanc opportunitatem ad laicorum prae clericis jura aggredienda, et ad eorum, quae molitus fuerat, periculum faciendum idoneam duxit. Leoni ita persuasit in electione, ab Imperatore factâ, non esse acquiescendum, sed hanc a clero populoque Romano oportere confirmari, antequam munus obire liceret, „*illicitum enim esse*,” aiebat, *per manum laicam summum Pontificem ad gubernationem totius Ecclesiae violenter introire* (1).”

Papa prudenti viro aures prae-buit, callidamque ejus mentem fortasse perspiciens, purpuram statim deposuit (2), ac, peregrinantis habitu sumto, Romam una cum Hildebrando, futuri muneris administro, properavit, ubi unanimo consensu consecratus est (1048). Jam Hildebrandus hoc documento ostendit, quanta animo voveret consilia; non enim ei mens erat, ut supra Imperatores populi Romani auctoritatem extolleret, immo ipse ex industriâ Romanorum in eligendis Papis vim, constituto Cardinalium collegio, funditus evertit: sed majus quid cogitabat vaser monachus; nimirum si populus semel Papam  
eli-

(1) Sunt ipsa Hildebrandi verba, ab Ottone Frisingensi allata, *Chron. Lib. VI. Cap. 33.*

(2) De omni hac narratione consulatur Planck, I. l. IV, B. I. Ab Cap. III. §. 3. pag. 44.

eligendi auctoritatem obtinuisset, haec deinceps facile in Cardinalium collegium conferri poterat (1). Cum Leo hac agendi ratione populo acceptissimus esset, multa grati animi Hildebrando dedit testimonia, eumque ad varia munera Ecclesiastica evehit, „ita ut quasi confors pontificiae dignitatis se, cum videretur” (2). Verum enim vero vitam monasticam non reliquit Hildebrandus, sed in monasterium S<sup>ci</sup> Pauli Romanum, cujus praelatus creabatur, se contulit.

Ibi tamen quiete degere monacho non licuit, nec erat ei animus in monasterio ad vitam tranquillam otiumque ingratum sese convertere. Quum enim, anno 1055, ex auctoritate populi Romani Victorem II, Leonis IX. succesorem, designasset (3), sub hoc etiam Papae potestatem, quam jam gaudebat, in dies vidit invalescentem. Magni eum faciebat Victor, quumque sine illius consiliis nihil alicujus momenti agere vellet, monachum beneficiis sibi devincire conabatur. Hildebrandus, tunc subdiaconi munere fungens, legatus a latere in Galliam,

(1) Quod rite jam perspexisse videtur Platina, *De vitis Pontificum*, pag. 172.

(2) Verba Platinae, *De vitis Pontificum*, pag. 168. Conf. Venema, l. c. Tom. V. pag. 615. Planck, l. c. IV. B. I. Absch., pag. 40.

(3) Conf. hujus Commentationis, Part. I. Cap. III. §. 2. et Part. II. Cap. I. §. 3.

Nam, ubi simonia maxime grassabatur, a Papâ missus est, ibique tam prosperos habuit successus, ut per breve tempus simoniam, nisi sustulerit, fortiter saltem represserit, et clericorum haud paucos ad meliorem mentem adduxerit (1).

Insequenti anno (1057), Stephanus IX, ad sedem papalem euectus, Hildebrandum, e Gallia reducem, ad Agnetem, Henrici IV. matrem, misit (2), sed antequam iter susciperet legatus, Papa documento, nobis omnino memorando, ostendit, quanti jam ponderis in Ecclesia administranda Hildebrandi sententia esset. Stephanus nimirum clertm populumque Romanum convocavit, et ab his postulavit, ut pollicerentur neminem, si ipse obiret, Papam creatum iri, antequam Hildebrandus reversus esset sententiamque de futura electione dedisset (3). Sed quamvis Romanorum procures hoc promitterent, promissis tamen non  
ste.

(1) Etiam auctoritate suâ concilium Lugduni hunc in finem convocavit. Conferatur Planck, l. c. IV. B. I. Ab. pag. 52 et 53.

(2) Llorente prorsus errasse videtur, cum diceret, (loco supradicto, pag. 335 et 337, Tom. I.) Hildebrandum tunc legatum ad Imperatricem Graecorum Constantinopolin missum fuisse. Conf. Job. Voigt, Hildebrand, und sein Zeitalter, I. Th. pag. 49 et auctores ibi citati.

(3) Quod disertis verbis narravit. P. Damianus, in Epistola ad Henricum, Episcopum Ravennatensem, quae est in *Damiani Operibus*, a Cajetano Collectis, Epist. Lib. III. Epist. IV. Conf. Planck, l. c. IV. B. I. Ab., pag. 56.



steterunt. Stephano enim eodem anno mortuo, cleri et populi optimates ex auctoritate suâ Benedictum X, hominem literarum artiumque rudem (1), Papam crearunt, ut suis ita confu-lerent partibus. Hujus electionis Hildebrandus cer-tior factus derepente e Germaniâ profectus est, Nicolaum II. Benedicti loco Pontificem supremum designavit (2), et tantâ jam auctoritate futurus Gregorius apud omnes valebat, ut Romani, conti-nuo cum illo facientes, Benedictum *dignitate pa-pali ejectum declararent*, eumque munus abdicare cogerent. Nicolaus II., ab omnibus agnitus (3), non uno modo voluntatem suam erga Hildebran-dum demonstravit, sed viri beneficia meritis aequi-parare semper studuit.

Hildebrandus igitur (1059) Archidiaconus et Pa-pæ administer creabatur, quibus muneribus tan-tam potestatem nactus est, ut novis facinoribus sua consilia promoveret. Hunc in finem Nicolaum II. hortatus est, ut Cardinalium collegium creare-tur

(1) Petrus Damianus, haec narrans, hanc de hoc Papâ sententiam tulit: *ita est homo stolidus, deses, ac nullius ingenii, ut credi possit, nescisse per se talia machinari*, Epist. Lib. III. Epist. 4.

(2) Conf. Villers, l. c. pag. 410; Planck, l. c. pag. 38 et 39.

(3) Lambertus Schafnaburgensis, *De rebus Germanorum*, ad annum 1059.

tur, quo lites cum Imperatore de Papis eligendis dirimerentur, atque efficacissimum vinculum inter civile imperium et sacrum solveretur (1). Ab hoc ita tempore Paparum electio penes solos Cardinales fuit, approbatio vero penes populum, et confirmationis honos penes Imperatorem. Novum hoc institutum tanti fuit in hierarchiae progressibus momenti tantamque vim in posterum habuit, ut, si hoc unum clericorum gratia praestitisset Hildebrandus, ab his in aeternum coli, a ceteris famosus haberi mereretur.

Vis hujus Cardinalium collegii jam statim post obitum Nicolai II. (1061) cernebatur; cum enim varii Ecclesiae atque Imperii ordines de jure novum Papam eligendi acriter inter se disputarent (2), Hildebrandus eo rem perduxit, ut Cardinales, Imperatoris approbationem haud expectantes, Anselmum Lucensem, qui statim Alexandri II. nomen sumsit, auctoritate ac jure suo Papam consecrarent. Quam de re Henricus IV. conquestus alium Papam exercitu stipatum Romam misit, sed frustra; nam jam hac opportunitate sensit praevalentes magni cujusdam ingenii vires.

Ini-

(1) Videatur de hoc instituto et Cardinalium nominis etymologia quae dicta sunt hujus Commentationis, Pa t. I. Cap. III. §. 4.

(2) Lites et dissidia de novi Papae electione uberius exposuit Planck, l. c. IV. B. I. Ab. pag. 81 seqq.

Initio papatûs Alexandri, Hildebrandus, Cancellarius creatus, hoc nomine universae fere Ecclesiae administrationem in se suscepit (1). Petrus Damianus ingeniose suam et aliorum de hoc papatu sententiam expresit, hoc disticho Cancellarium allocutus:

*Papam rite colo, sed te prostratus adoro,  
Tu facis hunc dominum, te facit ille deum.*

Hâc igitur ratione, cum per viginti fere annos hierarchiae caput, et actor fuisset (2), ad maiora quaeque tentanda viam sibi munivit Hildebrandus; et simul experientiam maximam collegit; vidit enim quatuor praedecessorum res, seu prosperas, seu adversas pro consiliis, seu prudenter, seu inconsulte susceptis. In varias regiones legatus missus variegantium studia scrutatus erat, nonnullas ad libertatem pronas, plurimas vero ad superstitionem proclives animadverterat; et hinc factum ut deinceps Gregorium, ad temporum conditionem respicientem, rerum opportunitates ponderantem, et secundum eas res moderantem videamus.

An-

(1) Conf. Venema, l. c. Tom. V, pag. 615; Planck, l. c. IV. B. I. Ab. pag. 94 et 95.

(2) Ab anno 1053 ad 1073. Vid. Heeren, *Gevoelg. der Kruist.* pag. 63; Gieseler, l. c. II. B. I. Abth., pag. 182, 183, seqq. Theiner, *Einführung der Priester Ehelosigkeit*, II. B. I. Ab. pag. 159

Antequam hujus experientiae cautiue ingenii efficacitatem in Gregoriam VII, Papam, exponamus, viri indolem e jam narratis adumbrare liceat, ut, quae narranda sunt, facilius cum intelligamus, tum Hildebrandi facta ex ipsius ingenio explicare possimus.

## S. 3.

*Hildebrandi indoles.*

Raris Hildebrandum et vitiis et virtutibus excelluisse, univérse et ante omnia tenendum est. Hanc animadversionem praemittimus, non tantum ut hoc *κρίτηριον* instar sequamur, sed etiam ut regulam quamdam ob oculos habeamus, ne ab una parte praeclaras viri dotes exponentes, ab alterá vero parte vitia ejus enumerantes, nonnulla secum pugnántia proposuísse videamur.

Fuit sane vasti ingenii homo; astutiá simul ac perspicacitate summá praeditus (1), simulandi ac dissimulandi peritissimus; grandia quaeque ánimo complectebatur, et, quae primum e longinquo  
prae-

(1) Quis Gregorii epístolas legens de his viri dotibus dubitare possit? Ibi enim semper et ubique invenimus errorem abductum Pontificem, sed eundem, doctum, facundum, fervidum, suae causae conscium; ita ut Lamberto Schaf., ad an. 1058, asserentiamur dicenti, *hunc fuisse virum et aliquantid eo sacrarum literarum eruditione valde admirandum.*

praeparasset sibiue intrepide efficienda sumfisset, summo persequeretur studio (1), propositi tenax nullis cohibebatur difficultatibus, et sibi res, non se rebus subjectum videbat (2). Vir acutissimus prudentiâ pervicaciam moderabatur (3), nec difficulter, si opus esset, intimos animi motus comprimerebat. Nonnunquam etiam ea faciebat, quae primo obrutu a scopo, quo tendebat aberrare viderentur, sed eadem eventu vâfferimi viri consiliis apprime conducere monstrabat; sic e. g. cum ipsi honos novum Papam eligendi deferretur, tales designavit qui, etiam si non omnibus grati, suis tamen commodis intervirent. Cujus rei luculentum habemus documentum in Victoris II. electione; peregrinus Papa Romanis minus acceptus erat, sed Gebehardus Imperatoris consiliarius erat; cuius intima proposita scrutatus fuerat, et praeterea gentis Germanicae studia, Imperii subsidia, aulae conditionem penitus exploraverat (4). Quum  
igi-

(1) Conf. Planck, l. c. IV. B. I. Ab., pag. 47.

(2) Conf. Gieseler, l. c. II. B. II. Ab., pag. 8 et 9.

(3) Hanc prudentiam Gregorii e narratis, maxime vero e deinceps narrandis apparere putavimus; sententiam vero Spitzleri minus probandam, qui de Hildebrandi rebus gestis agens, haec addit: *misschien is ook nog geen ontwerp met meer onvoorzigtigheid uitgevoerd*, l. c. pag. 194.

(4) Haecce conjectura. et si a Planckii sententiâ diversa, nobis tamen tuenda videtur. Vid. Planck, l. c. IV. B. I. Ab., pag. 48.

igitur e nullo alio tanta utilitas Hildebrando oritura videretur, Gebhardus, invitis Romanis, Papa fiebat.

Mirā sagacitate sui aevi studia consiliaque hominum, quamvis recondita, perspexit Hildebrandus, ac his haud sine diligentia ingenii acuminis usus est (1). Rite animadvertit, coelestia maiorem, quam terrestria, in animos vim exferere, et, cum bene teneret, quid sanctitatis fama apud homines valeat, hanc semper venatus est.

Facta tamen ejus animum spirabant superbum; per fas et nefas suscepta consilia tuebatur. Hinc Europam universam conturbavit bellisque dominii sui amplificandi causa implevit. Has maxime ob causas, dum viveret, alii eum Satanam ex inferis solutum dixerunt (2), alii perditionis illum filium, se super omnia efferentem, qui in Novo Foedere memoratur (3). Nos vero, nisi alia, constantiam saltem Hildebrandi miramur, maxime si temporum, quibus vixit, et muneris, quoungebatur, rationem habemus. Quod autem ingenio atque agendi ratione tantopere supra sui aevi homines se extolleret, inde ortum videtur, quod in nulla re operam posuit nisi in ea, quae ad sua consilia per-

ti-  
 appa-  
 (1) Conf. Heeren, l. c. pag. 69; Pfanck, l. c. IV. B. I.

Ab hisque  
 (2) Et hinc factum ut nonnulli ejus nomen Hildebrand in Helle-brand satis inepte commutarent.

(3) A. Theol. II, 3 et 4.

tineret, vitamque omnem, ut ea, quae sibi efficienda sumferat, ad finem perduceret, impendit (1).

Nonnulli historici, Gregorio nimis infesti, invidiose eum libidinosum atque in veterem prorum dixerunt; verum ejus castitatem laudaverunt bene multi, qui ceteroquin ei haud magnopere favent (2); praeterea clericos libidinosos in vehementissimas Hildebrandi reprehensiones incurrisse satis constat (3). Non est etiam, quod hic Gregorium adversus illos protegamus, qui eum magiae, divinationis ac necromantiae reum fecerunt; quae criminationes ad illius aetatis barbariem pertinent, supra quam solus fere Gregorius se extollebat (4), et notum est talibus accusationibus eos semper fuisse expositos, qui aevi sui errores primi deposuerunt.

UI

(1) Supremam auctoritatem spirituales et saecularem jure Papae competere, Gregorium sibi persuasum habuisse, ex universa ejus agendi ratione efficitur; cum enim hanc vindicant, docum. argumenta semper et ubique utebatur, quod tantam potestatem a St. Petro divinitus accepisset. Conf. imprimis ejus epistolae, Lib. I, Epist. 6 et 7; Lib. II, Epist. 12 et 51; Lib. VIII, Epist. 23. Quis has et alias Gregorii epistolas legens de praepudicatis ejus in hac causa opinionibus dubitare posset? Conf. Planck, l. c. IV. B. I. Ab., pag. 106 seqq.

(2) Lambertus Schaffenburgensis, a. II.

(3) Videantur et aliae Gregorii epistolae, et in primis illa ad Hugonem Roberti Civitacens., quae est Lib. II, Epist. 49.

(4) Conf. P. Damianus, *Epistolarum*, Lib. II, Epist. 7.

Ultimo vitae spatio virum ab acerrimo hoste, Henrico IV., ex urbe ac sede papali depulsum eundemque propositi tenacissimum invenimus; non integrum vitae, sed tamen impavidum feriebam ruinas, cuius animi firmitas vulneribus, carcere et exilio frustra fuit tentata. (1).

Quod ad externam ejus faciem pertinet, statura brevis fuit; vultus, nisi carpi, animi tamen imaginem eatenus referebat, ut aliud in ore promptum, aliud in pectore clausum semper habuisse apparent (2).

## CAPUT II.

*Hildebrandus Papa, seu Gregorius VII., ab anno 1073 ad 1085.*

## §. I.

*Hildebrandus Papa creatus. Quamnam in Hierarchia commutationem spectasse videtur et quamnam agendi rationem secutus est?*

Ipso, quo Alexandri II. funus celebrabatur, die Hildebrandus, qui jam dudum Romanorum favorem

(1) Conf. Heeren, l. c. pag. 75, nota (\*\*), Planck, l. c. IV. B. I. Ab., pag. 201 seqq.

(2) Quam ob causam Episcopus Benzo in *Panegyricis Imp. Hen-*



rem sibi conciliaverat; populi acclamatione Papa postulatus, a Cardinalibus continuo electus est (1). Supremi muneris, quod diu concupiisse videtur, compos factus, simulationis artificio hac jam usus est opportunitate; idem enim ille, qui, vehementium turbarum auctor, praecedentibus Pontificibus suaserat, electionem legitimam ad solum populum esse referendam, ipse Papa creatus (2). Imperatoris confirmationem, antequam consecraretur, expectare voluit, metuens scilicet ut ne schisma in Ecclesia oriretur (3), sed re vera, ne per plebis factionem Papa fieri videretur. Scripsit igitur Hildebrandus ad Imperatorem se coactum suscepisse Pontificatum, sed consecrationem distulisse donec electionem comprobasset Imperator; quibus verbis mitigatus Henricus IV. eum statim approbavit (4). Cum ita muneris obeundi veniam impetrasset Gregorius, conquestus est tandem se invitum, quod cre-

*Henrici, Hildebrandum sic descripsit: Protheus est multiformis in diversis vultibus.*

(1) Conf. Gregorii Epist. Lib. I. Epist. 3; Planck, l. c. IV B. I. Ab., pag. 93 seqq. Theiner, l. c. II. B. I. Ab., pag. 159.

(2) Conf. Villiers, *Essai* etc. pag. 411.

(3) Venöma, *Hist. Eccles.*, Tom. V., pag. 613.

(4) Conf. Pagi, *Critica in Baronium*, Tom. IV, pag. 249 N°. VI. Hic ducem secutus est Lambertum Schafnaburg. *De rebus Germanorum*, ad 1073, Conf. Planck, l. c. IV. B. I. Ab., pag. 101 seqq.

credi cupiebat, ad hanc dignitatem evectum fuisse (1); multos vero hoc ipso tempore querelis illis nullam habuisse fidem, testes sunt, qui de hac re sententiam publice profiteri haud metuerunt.

- Ex jam narratis universe efficitur, quod infra uberius patebit, non id spectasse Gregorium, ut novam prorsus hierarchiae daret formam, sed potius ut hanc monarchiam sacram, quae magnā jam auctoritate in Europā gaudebat, ad despotismum, atque adeo ad ἀκμὴν suam perduceret; quod ut efficeret, non opus ei erat hierarchiae formam, verum rationem; mutare (2). Neque ita novus ab integro instituendus erat rerum Ecclesiasticarum ordo, sed hierarchia novis fulcienda subsidiis, ac in summum potestatis fastigium evehenda (3); verbo, hoc erat in votis, ut omnia, quae ad Ecclesiam pertinerent, penes Ecclesiasticos essent. Gregorius coelestia, quae tunc dicebantur, terrestribus misceri animadvertens, illa ab his secernere voluit, ut principem ipse locum occuparet. Episcopalia enim munera huc usque Imperii beneficiaria habita fuerant, propter fundos client-

te-

(1) Quod ipse Gregorius professus est, *Epist.*, Lib. I: epist. 3 et 39, et Lib. VII. ep. 23.

(2) Vid J. Febronius, *De statu Ecclesiae*, Tom. III, pag. 39 seqq.

(3) Idem, l. c. Tom. IV: pag. 185 seqq.; et Planck, l. c. IV. B. I. Ab. pag. 110.

telares iis adjunctos; et Episcopi, munus obeuntes, non Ecclesiae, sed praediorum Imperatoris beneficiariorum curam gerere sibi videbantur; quapropter has potius ditiones servandas esse, quam Ecclesiae adversarios oppugnandos, autumabant (1). Scilicet vinculum hocce Imperatorem inter et clericos primo loco erat solvendum; deinceps hi arctissime hierarchiae erant devinciendi; civile tandem Imperium, si res feliciter caderet, hierarchiae erat subjiciendum (2). Quod cum ageret Gregorius, tantam sibi arrogare studuit auctoritatem, quantam nullus ante ipsum Papa vel cogitare ausus fuerat.

Verum loquentes de Gregorii agendi ratione, non tamen statuendum esse credimus, Papam illum ab initio sibi totum hoc, quod deinde effecit, partibus suis absolutum proposuisse (3). Talia concipere consilia, vasto Hildebrandi ingenio non indignum erat, sed fore ut tanta ad finem perduceret, temporum ratione habita, ei sperare non licebat; quo-

(1) Varia artificia, quae clerici ad bona Ecclesiastica tuenda adhibuerunt, egregie exposuit Planck, l. I., III. B. pag. 607 seqq.

(2) Haec omnia, secundum Gregorii sententiam, ex ipsa Ecclesiasticae potestatis indole profuebant; dicebat enim Herimanno Episcopo Metensi in epistola: *Aurum non tam pretiosius est plumbo, quam regia potestate altior dignitas sacerdotalis*. Vid. Gregorii, *Epist.* Lib. VIII. epist. 21; et conferatur Planck, l. c. IV. B. I. Ab. pag. 104. Gg.

(3) Conf. Heeren, *Gesolg. der Kruist.* pag. 75.

quocirca opportunitatibus ac felici rerum eventui nonnulla etiam sunt tribuenda (1). Cum enim multa, in his inopinata nonnulla (2), sibi evenire prospera videret, eo tandem audaciae procescit, ut ad Papae nutum totum componi orbem vellet.

Haec ita univérse, sibi sumsisse videtur Gregorius:

- a. *Ut clerum a principum imperio liberum redderet.*
- b. *Ut a sua auctoritate principes ipsi penderent.*
- c. *Ut clerum sibi subjectum haberet et emendaret, universamque Ecclesiam despotica ratione gubernaret.*

Quibus factis haec diversa consilia perficere conatus sit, sequentibus paragraphis continuo indagabimus.

## §. 2.

*Gregorii conatus, ut clerum a principum imperio liberum redderet.*

Cum Gregorius in praecedentium Paparum agendi ratione (3) multos errores vitiaque multa animadvertit.

(1) Conf. hujus commentationis, Part. II. Cap. III. §. 1.

(2) Quam sententiam professus est Heeren, *Gevolg. der Krisis.*, pag. 65.

(3) Ante Gregorium VII. multi Papae, ut vidimus, in-

madvertiset, horum vestigiis non insistere, sed aliam viam, illamque prorsus insuetam, ingredi sibi proposuit. Itaque, pro astutiâ et calliditate, primum infirmiores adversarios aggressus est, ut validioribus suae auctoritatis metum incuteret, eosque deinceps eo felicius debellaret. Convocato igitur Romae concilio (1074), Gothofredum Mediolanensem laesae majestatis pontificiae reum (1), et Robbertum Guiscardum, Normannorum in Apuliâ Ducem, qui Beneventum, Patrimonii S<sup>u</sup>i Petri urbem, obsidio cingere ausus fuerat, anathemate percussit (2). Episcopum vero Constantiensem, qui hujus Synodi decreta derisui habuerat, statim e sede episcopali deturbavit (3).

Quibus prospere gestis, Gregorius audacior factus continuo universum clerum ab Imperatoris ac Principum auctoritate liberandum censuit. Ut eo per-

ve-

vestitram laicis adimere, simoniam abrogare, coelibatum clericis imponere et universum clerum emendare plus semel spectaverant, sed, ut omnes decreta, quae hunc in finem ediderant, exsequerentur, non satis curaverant; Gregorius VII. vero audaciâ, constantiâ ac fortitudine haec omnia, quae alii frustra conati fuerant, solus perfecit.

(1) Conf. Theiner, *Einführung der Priester-Ehelosigkeit*, II. B. I. Ab., pag. 168.

(2) Quod tamen anathema, mutata deinceps fortuna, sustulit. Vid. hujus Commentationis, Part. II. Cap. III. §. 1.

(3) Vid. Pagi, *Critica in Baronii Annalibus*, Tom. IV. pag. 256, Theiner, l. c. II. B. I. Ab., pag. 183 seqq.

veniret, primum Nicolai II. decreta (1) de Paparum electione, laicis deneganda, et confirmavit et accuratius definivit, jubens Cardinales in posterum Papam designare, clericos designato assensum dare, populum adplausu eum confirmare; quibus omnibus rite peractis, Imperator tandem de electione jam facta consulendus foret, ut omnia, quod addidit Gregorius, salvo honore et reverentiâ huic debita, fierent. Qui vero invaluerat mos, ut Imperator de Paparum electione consuleretur, primum neglectus, mox plane in oblivionem abiit (2).

His nondum contentus Hildebrandus omne vinculum inter clerum et Principes, Episcopos et dominos clientelares, Ecclesiam et civile imperium, aut solvendum, aut, tamquam gordianum illud, refecandum duxit (3); quod, etsi valde arduum, perfici tamen poterat tollendo jure *Investiturae*, quod sibi Imperatores Germanici imprimis vindicabant. Hic vero labor, hoc opus erat. Investitura enim ex antiquâ consuetudine orta fuerat, quâ Episcopi, quibus praedia regalia concessa fuerant, fidei juramento Impe-

ra.

(1) Haec decreta inveniuntur in Harduini *Actis Concil.*, Tom. VI. Part. I. pag. 1064.

(2) Conf. Venema, l. c. Tom. V. pag. 607; l. c.

(3) Conf. Heeren, l. c. pag. 69. Gieseler, p. 195, et ipse Gregorii dicta, *Epistolarum*, Lib. IV, epist. 2; Lib. VIII, epist. 21, alias.

ratori praestando adstricti erant (1); a quo, cum munus inirent, lituo (2) seu baculo et annulo, obedientiae et futurae conjunctionis cum imperio civili signis, ornabantur (3). Mos ille, ex Imperatorum beneficiis et Clericorum gratâ voluntate ortus, legis et officii deinceps vim habuit, adeo ut Episcopi non tantum dignitatem suam ab Imperatore acciperent, sed in hujus patrocinium et clientelam se committere ejusdemque vassallos se profiteri viderentur, regalibus praediis a solo Imperatore concedendis fruenter (4). Ex eâdem Investiturae lege, Imperator rerum Ecclesiae in Germaniâ et Longobardiâ, nisi curam, tutelam saltem sibi tribuebat, Ecclesiam ab omni periculo tutam praestare conabatur, atque hinc universae hierarchiae moderandae jus sibi deducebat. Itaque non mirandum est, hoc Investiturae institutum Gregorio VII. valde displicuisse; Imperatores enim, sibi tantam auctoritatem in clericorum rebus vindicantes, supremi Romae pontificis auctoritati magnopere obtrectare videbantur. Attamen cum Gregorius hujus consuetudinis vim ad clericos sedis Romanae de-

(1) Conf. Heeren, l. c. pag. 67.

(2) Hoc Episcoporum *σκήπτρον*, nisi ab Auguribus mutuum, saltem litui auguralis imaginem refert.

(3) Conf. Planck, l. c., pag. 128, et ibi nota (2).

(4) Conf. J. Gieseler, l. c. II. B. I. Ab., pag. 193—198; Planck, l. c. III. B. pag. 468, §. 16.

devinciendos animadverteret, jus illud Investiturae; quod per tria jam saecula tenuerant Imperatores, non sustulit, sed sibi tribuit et ad ipsius hierarchiae emolumentum convertit. Anno enim 1074 concilium Romae convocavit (1), in quo decrevit nullam obedientiam iis esse praestandam, qui munus Ecclesiasticum a laico accepissent (2); iisdemque decretis vetuit, ne quis Imperator, Dux, Marchio vel quaelibet saecularis potestas (3) Investiturae jus sibi arrogaret.

Ex eodem Investiturae more aliud profluxerat vitium, quod tunc etiam represit Gregorius, *Simonia*, quâ laici, collationis jure abutentes, omnia Ecclesiae munera venalia reddentes, haec, pretio constituto, in abjectissimos etiam homines conferre confueverant (4). Ex hoc abusu mercenarium quoddam exstiterat clericorum genus, qui, lucri studio abrepti, et secundum hanc munus ineundi

tur-

(1) Hujus concilii decreta inveniunt in Harduini *Actis Conc.*, Tom. VI. Part. I. pag. 1522. Conf. praeterea, Pagi in *Baronium*, Tom. IV. pag. 253.

(2) Conf. Planck, l. c. IV. B. I. Ab.

(3) Hic, Theinerum ducem secuti ejus verba fere expressimus; conferatur Theiner, l. c. II. B. I. Ab., pag. 194.

(4) Conf. Lambertus Schafn., *De rebus germ.*, ad annum 1063, et ad annum 1071, ubi haec leguntur. „*In Ecclesiam, introducta est consuetudo, ut abbatiae publice venales propositae, situantur in palatio.*” Vid. Planck, l. c. IV. B. I. Abi., pag. 117 seqq.



turpem rationem se gerentes, tantummodo, ut res laudatæ essent, curabant. Tantopere illud vitium tunc grasfabatur, ut ipse Gregorius in epistolis triplex Simoniae genus recenseret (1). In eodem igitur Romae concilio, saepius memorato, decretis statuit Hildebrandus Clericos, *qui munera auro emisissent*, ab officio esse dimovendos, auctoritatem Episcoporum, apostolicas institutiones spernentium, a populo esse recusandam, cum sacramenta a talibus administrata omni efficacia destituerentur, atque illorum benedictio in maledictionem, oratio in peccatum verterentur (2).

Quomodo vero operam dederit, ut haec decreta vim haberent, eaque invitis adversantibus confirmaverit ac vindicaverit nunc videndum est (3).

### §. 3.

(1) *Epistolarum*, Lib. VI, epist. 34. Conf. Annae Comnenae, *Alexiados*, in *Corporis Historiae Byzantinae*, Philip. Labbei, Lib. I. pag. 31.

(2) Vid. hujus concilii decreta in *Actis Conciliorum Harduini*, Tom. VI, Part. I, pag. 1522. Ex hac sanctione explicandum est, tantam vim habuisse Gregorii decreta, cum antea Imperatores Germanici, maxime Henricus III, et praecedentes Papae simoniam tollere frustra tentassent. Nunc enim clerici, Gregorii decretis repugnantes, omnem vim auctoritatem et potentiam in laicos continuo amittebant.

(3) Hunc ordinem sequentes, Planckium ducem habuimus.

## S. 3.

*Gregorii conatus,  
ut e sua auctoritate Germaniae Imperator  
penderet.*

Investiturae jure Imperatori adempto, hujus auctoritas in clerum nulla, papalis vero suprema evasit. Amplae enim regiones, quas clerici jure feudali tenebant, imperio civili subtractae, ad hierarchiam referri debebant, cum earum possesores, Episcopi, a Papa crearentur; verum enim vero, ne principes aliquando jura amisit recuperare conarentur, hi etiam pontifici Romano erant subjiciendi. Gregorius itaque continuo theocratiam universam, cui civile imperium subjectum esset (1), condere studuit; arduum sane propositum! Sed quidni futurorum consiliorum audaciam fortunae rerum antea actarum adaequasset (2)? Ut igitur tanta ad finem perduceret, versipellis homo hanc regulam: *Divide et impera*, cui pontifices Romani nunquam non addicti fuerunt, studiose secutus est; cum vero in Germaniae Imperatore potentissimum adversarium videret, in id maxime incubuit, ut populorum et pro-

(1) Civile imperium Ecclesiastico subjectum esse et semper fuisse, disertis verbis et multis exemplis allatis locisque citatis, contendit Gregorius in epistola ad Herimannum, quae est libri VIII. epistola 21, aliis.

(2) Vid. Heeren, l. c. pag. 65.

procerum animos ab Henrico IV. alienaret, sibi-  
que omnes quam maxime devinceret. Primum ita  
in concilio, Romae convocato, Gregorius testatus  
est, se discordiae et turbarum motarum auctorem  
non fuisse, imo se frustra, epistolis misis, Hen-  
ricum ad meliorem mentem adducere voluisse (1).  
Quam ob rem clerici decreverunt, Curientem Epis-  
copum legatum in Germaniam esse mittendum,  
qui decretorum, in concilio editorum, et excommu-  
nicationis, jam imminentis, Imperatorem certiorum  
faceret, eumque Simoniae reum declararet; quoniam  
munerum Ecclesiasticorum nundinandorum jus, invi-  
tis Papae decretis, retinebat (2). — Henricus IV.  
primum submisit erga Gregorium VII. se gesfit,  
verum, victoria de Imperii hostibus reportata,  
animum auxit, et iis, quae antea promiserat, pu-  
blice non stare ausus est. Papa, de hac injuriâ  
frustra questus, Imperatorem per legatos Romam  
citavit (1076) (3), sed hic, animo elatior, haud  
sine asperioribus verbis legationem papalem dimi-  
sit et statim, synodo Wormatiae convocata, Gre-  
gorio, scelerum variorum accusato, pontificatum  
abro-

(1) Vid. Gregorii *Epistolae*, Lib. I, epist. 9. 21, aliae.

(2) Vid. Venema, *Hist. Eccles.*, Tom. V, pag. 618. Conf.  
Annae Comnenae, *Alexiados* in corpore *Hist. Byzan-*  
*tinus*, Lib. I. pag. 31.

(3) Conf. Gieseler, l. c., II. B. II. Abth., pag. 16;  
Gregorii epistola ad Henricum, Lib. III. epist. 104  
Planck, l. c. IV. I. B. Ab., p. 162.

abrogavit (1) (1076), quod decretum, a Guilielmo, Ultrajectino Episcopo, confirmatum, confestim in varias regiones missum est, ut alii ei subscriberent. Hâc vero in causâ Romani non tantum Imperatori morem non gesserunt, sed, irâ in eum aestuantes, suis factis Gregorio ostenderunt, quo usque licentiae adversus adversarios procedere ei liceret (2). Hic igitur vice suâ, infenso in Henricum animo ductus, eum a piorum coetu prohibuit, atque eliminatus est, nisi poenitentiam egerit, fore ut novus rex eligeretur, addens porro e fidelium numero omnes esse ejiciendos, qui imperatoris partibus faverent (3). Quibus minis cum multi perterriti essent, gratiâ, quâ antea floruerat, Imperator destitutus est, ac fortunam, quae nuper firma videbatur, jam corruentem vidit; nam proceres bene multi et Henricum deseruerunt, et novum Imperatorem creandum esse statuerunt, nisi Imperator veniam in Synodo, Augustae convocatâ, a Papâ impetraret (4). Henricus, his omnibus excruciatu

ac

(1) Ut tam fortiter se gereret debilis Henricus, ab administris suis, Alberto, Bremensi Episcopo, et Wernero, Comite, incitabatur, qui ei persuadebant, Imperatori eadem in Abbatibus esse jura, quae in villicos exercebat. Conf. Lambertus Schafn. ad an. 1076.

(2) Quod rite animadvertit Lambertus Schafn. et Villers, l. c. pag. 413.

(3) Villers, ibidem.

(4) Conf. Lambertus Schafn., *De rebus Germ.*, ad an.

ac omni salutis spe dejectus, extemplo sibi in Italiam proficiscendum esse ratus est (1077); iter itaque hiemali tempore Romam suscepit, comitante sola uxore et filio, sed in Tuscia jam Gregorio, Augustam profecto et in Castello Canusio, arce munitissimo, apud Mathildem diversanti, occurrit; ibi Henricus, insignibus suis depositis, vulgari habitu et sacco indutus, atque intra muros et vallum deductus, immanissimos cruciatus fame et frigore per tres dies subiit, quos enarrare non hujus est loci (1). Quarto tandem die, cum superbi Papae crudelitas satiata videretur, Gregorius, consuetudine altera hostiae parte, se immunem a criminibus, quorum accusabatur, juravit alteramque Henrico dedit, qui eam recusavit, dicens, pacem ad proximam usque Synodum Augustanam esse differendam (2). Cum vero Imperator hanc ignavam agen-

di

annum 1076. Anna vero Comnena, in hac Gregorii VII. agendi ratione enarranda, non est audienda, cum in his magis odio, quo in Pontifices Romanos ferebatur, quam veritatis studio ducta fuisse videatur. Vid. imprimis quae de odiosa Gregorii agendi ratione erga Henrici IV. legatos scripsit, *Alexander*, Lib. I. pag. 31. in *Corporis Hist. Byzantinae Phil. Labbei*.

(1) Conf. Planck, l. c. IV. B. I. Ab., pag. 178 seqq.; porro videantur, quae de hac odiosa agendi ratione narraverunt Villers, *Essai etc.*, pag. 413, et imprimis ipse Gregorius in *Epist. Lib. IV. epist. 12.*

(2) Lambertus Schafn. ad an. 1077. Gregorii 7er.

mo-

di ratione in omnium contemptum incidisset, Germaniae ordines ei ob ficta quaedam scortationis et oppressionis crimina dignitatem abrogarunt, atque continuo ejus loco Rudolphum, Sueviae Ducem, Imperatorem elegerunt (1077); unde acerrimum illud bellum, quod Saxonicum dicitur, ortum est. Gregorius autem se inscio haec facta fuisse adfirmavit, ut vindictae invidiam a se removeret (1); sed cum primum neutri parti se adscripsisset, celeberrima tandem Romae synodo convocata (1080), Henrici exactionem confirmavit (2), et coronam cum hac inscriptione Rudolpho misit (3):

*Petra dedit Petro, Petrus diadema Rudolpho.*

Hic itaque ab Episcopo Moguntino (1080) coronam

monem et Henrici responsum hac opportunitate accurate refert.

(1) Gregorium Saxones ad rebellionem excitasse disertis verbis affirmavit Anna Comnena, *Alexiades*, Lib. I. pag. 33, in *Corporis Hist. Byzantinae* Phil. Labbei. Conf. Gregorii, Epist. Lib. IV. Epist. 23 et 24.

(2) Hujus Concilii acta inveniuntur in Harduini *Actis Conciliorum*, Tom. VI, Part. I, pag. 1587 seqq. De eodem argumento Conf. Gieseler, l. c. II<sup>ta</sup> B. II<sup>o</sup> Ab., pag. 23. Planck, l. c. IV. B. I. Ab., pag. 168. seqq.

(3) Sic Otto, Episcopus Frisingensis, *De rebus gestis Imperatoris Friderici I*, Lib. I. Cap. VII; Sigebertus Gemblac, in *Chronographia*, ad annum 1077. Hoc tamen a Gregorio factum negat Baronius, *Annalium*, Tom. XI. pag. 705, n<sup>o</sup>. XVI.

natus est, sed seditione ab aliis, qui Henrici partibus addicti erant, commotâ, hoc ipso anno Mogantiâ profugere coactus est; Henricus vero nonnullis principibus ac clericis, tum in Germaniâ, tum in ipsâ Italiâ, contractis, mutuo Gregorium, nefandorum criminum accusatum, papatu exuere conatus est, novo Papa electo, Guilberto Ravennati, nomine Clementis III. (1080). Eodem anno, Gothofridi Bullonii auxilio Imperator adjutus, aemuli exercitum tam prospere aggressus est, ut eum acie prorsus devinceret (1). Rudolphus, vulneribus moriens, professus est se justissime dextram amisisse, cum fidem, quâ Henrico IV. hâc ipsâ manu promississet, violasset, Papam vero et Ecclesiam defectionis suae auctores fuisse. — Successibus his prosperis Imperator animo erectus, nec non excommunicatione, adversus ipsum id temporis iteratâ, exacerbatus, bellum ipsi Papae indixit, continuo in Italiam cum exercitu procescit (1081), Romam usque omnia populatus est, atque postquam Mathildis copias pepulisset, urbem ipsam expugnâvit (1084), ac Clementem III, quem secum duxerat, in Petri sede constituit (2). Sed, eodem anno, Robertus Guiscardus, e Graecia reversus,

24-

(1) Conf. Planck, l. c. IV. B. I. Ab., pag. 199 et 200.

(2) Conf. C. Baronius, *Annalium*, Tom. XI. ad an. 1084, pag. 752, n<sup>o</sup>. XI. et Gieseler, l. c. II. B. II. Ab., pag. 28; Planck, l. c. IV. B. I. Ab., pag. 201.

auxilium Gregorio tulit (1), Henricum et Clementem fugavit, atque Papam, in S<sup>ti</sup> Angeli castello obsesum, Salernum deduxit (2).

§. 4.

*Gregorii conatus,  
ut apud ceteros etiam Europae principes Hierarchiae conditio et auctoritas commutarentur.*

In mediis aerumnis, e discidiis cum Imperatore ortis, sua ipsius atque Hierarchiae commoda in aliis regionibus minime neglexit Gregorius; contra, eodem tempore omnibus fere Europae populis et principibus suam arrogantiam suorumque consiliorum effectus ostendit; quam ejus agendi rationem ex multis epistolis ad diversos, ab eo scriptis, dijudicare possumus. Cum Gallia secundum post Imperium Germanicum occuparet locum, ab initio hanc regionem suae auctoritati subicere in votis habuit (3); alii jam ante eum Papae Ecclesiam Gallicanam, quae dicebatur, odio persecuti fuerant, si

(1) Conf. Annae Comnenae *Alexiados*, in *Corporo Historiae Byzantinae*, Phil. Labbei, Lib. I. pag. 32; Planck, l. c. IV. B. I. Ab., pag. 204 seqq.

(2) Conf. E. Gibbon, *The history of the decline and fall of the Roman Empire*, Vol. X, pag. 299 et 300.

(3) Conf. Planck, l. c. IV. B. I. Ab., pag. 118, 120, 122.



fi quidem non tantum privata sibi vindicaret jura; sed ipsam Pontificum Romanorum aggrediretur auctoritatem. Nimirum post Cardinalium collegium constitutum, Galli discrimen Papam inter et Curiam Romanam facere coeperant, hanc majoris, quam illum faciebant, et ita monarchiae papali aliquid detrimenti afferebant, cum Reipublicae formam Hierarchiae dare viderentur. Philippus I, qui Gregorii tempore in Galliâ regnabat, vasti Caroli magni imperii molem sustinere non valebat; Galli enim, crebris Normannorum invasionibus, debiliores facti, brevi de integro in communem hujus aevi torporem reciderant. Gregorius audaciam huic opportuna rerum conditioni adaequavit, multas ad Philippum scripsit epistolas, quae stupendae papalis superbiae offerunt documenta; his enim regem infontem praedationis, rapinae aliorumque erga Ecclesiam criminum reum fecit (1). Porro in Galliam legatos misit, qui Philippo, nisi erga Papam submissius ac poenitentius se gereret, anathema minarentur (2).

Alexander II. jam contenderat Anglos, Christia-

(1) Harum criminationum documenta habemus in Gregorii Epist., Lib. I. epist. 35. et 36., et maxime in illa ad Episcopos Francorum, quae est Lib. II. epist. 58. — Conf. Theiner, *Einführung der Priester Ehelosigkeit*, II. B. I. Ab., pag. 191 et 192.

(2) Videatur Villers, *Essai sur l'influence de la Réformation*, pag. 413.

tiana sacra amplectentes, in Papae manum et tutelam venisse; Gregorius, hoc ipso titulo ornatus, a Guilielmo Angliae rege tributum exegit, cujus pars altera Romano Pontifici, altera vero Ecclesiae Sae Mariae deferretur (1). Hac postulatione amicitia Papam inter et regem, qui huc usque conjunctissime vixerant, statim disrumpebatur; Guilielmus Gregorio obedientiae jusjurandum recusavit, atque pristina concordia inter utrumque ab hoc inde tempore nunquam de integro refarcita fuit (2).

Longe vero superbius Hispanos tractavit Gregorius; primo enim papatus anno, legatos in Hispaniam misit, qui, ut decreta ab Alexandro II. jam lata de officio gothico ibi abolendo vim haberent, curarent (3). Scilicet cum Hispaniae illa pars, quae tunc Christiana erat, paullo ante ad Muhamedanam pertinuisset ditionem, apud hujus regionis Christianos officium quoddam mixtum, *Mozarabicum* dictum, ortum est; quod, ut abrogaretur hujusque loco Romanum substitueretur, ipse Gregorius ad Arragoniae regem, cujus futuram

agendam.

(1) Vfd. Gregorii epistola ad Hubertum subdiaconum, quae est in *Epistolarum*, Lib. VII, epist. I, ad Guilielmum Anglorum Regem, Lib. I. epist. 70; ad Mathildem hujus uxorem, Lib. I. epist. 71.

(2) Conf. Theiner *Einführung der Priester Ehelosigkeit*, II. B. I. Abth., pag. 239. seqq. et Baronii *Annales*, Tom. XI, ad annum 1080, pag. 719, n° LIX.

(3) Conf. Pagi in Baronium, Tom. IV, pag. 253.

agendi rationem magnopere laudabat, epistolas scripsit (1). His vero novis institutis reluctati sunt hujus regionis incolae; quae conamina irrita fecit Alphonso VI. ignavia, quae totis viribus Papae partibus favit (2); sed vel sic tamen Gothicum, seu Mozarabicum, officium in nonnullis Hispaniae Ecclesiis dispersis diu deinceps retinebatur. Gregorius autem adeo variarum hujus regionis provinciarum reges sibi subiectos habuit, ut iis tributum singulis annis solvendum imponere auderet (3). Praeterea regnum Hispaniae universum sedi Romanae esse tributarium in epistolis contendit (4), cum ex antiquis constitutionibus efficeret, hanc regionem Petro et Ecclesiae Romanae „in jus et proprietatem esse traditam.” Hinc explicandum, quod tam despotica ratione voluntatem suam Alphonso deinceps significavit; cum enim ille rex uxorem consanguineam duxisset, Gregorius minatus est se, nisi hanc dimitteret, gla-

(1) Epist. Gregorii, Lib. I. epist. 63 et 64, et Lib. VII, epist. 6.

(2) Conf. Venema, l. c. Tom. V, pag. 589, et Gregorii ad Alphonsum Epistola, quae est Lib. IX, epist. 2.

(3) Tributum constabat duobus bobus jugalibus et decem denariis. Conf. C. Baronius, *Annalium*, Tom. XI, pag. 720.

(4) Epist. Gregorii, Lib. I. epist. 6. 7 et 63, et maxime illa ad Hispanos, quae est libri quarti vicecima octava et ultima. Conf. Theiner, l. c. II. B. I. Abth., pag. 227—229.

gladium S<sup>ti</sup> Petri in ipsum desfricturum esse (1).

Nec mitior erga Bohemiam fuit, in quâ regione lingua vernacula a Methodio et Cyrillo, Slavonicarum gentium apostolis, (863) in Sacrorum Christianorum cultu celebrando inducta fuerat; verum enim vero hujus regionis incolae, hunc morem retinentes, aliam viam ac Romani ingredi videbantur. Gregorius ita, epistolâ misâ, Wratislao, Bohemiae Duci, persuasit linguam latinam in cultu esse restituendam, „ ne, si religio Christiana ad li-  
„ quidum cunctis pateret, forte vilesceret, et  
„ subjaceret despectui, aut prave intellectâ a me-  
„ diocribus in errorem induceret” (2).

Boleslaus Poloniae (3), Demetrius Rusforûm duces, aliiq[ue] superbum Gregorii animum variâ opportunitate experti sunt (4); et Salomo, Hungariae rex, ab eo ob investituram, ab Imperatore acceptam, laesae majestatis apostolicae reus, et de folio deturbatus declarabatur (5).

Lon-

(1) Quod *valde inuitus dolensque* fecit, uti ipse dixit Gregorius, in Epist. Lib. VIII, epist. 3.

(2) Ipsissima Gregorii verba ex ejus ad Wratislaum, Bohemorum regem, epistolâ desumpta, quae est, Lib. VII, epist. II.

(3) Epist. Lib. II, epist. 73.

(4) Epist. Lib. II, epist. 74.

(5) Vid. Gregorii epistola ad Salomonis aemulum et confanguineum, Geusam, quae est, Lib. II, epist. 20.

Longum est omnes consiliorum Hildebrandi in variis regionibus effectus enarrare. Nullos suis curis indignos existimavit; in Africae oras non minus, quam in remotiores Europae septentrionalis partes, ut Hierarchiae auctoritatem promoveret, epistolas misit (1). Quid! quod ad Anzerum, Saracénorum regem ethnicum, scripsit, atque eum longe placidius allocutus est, quam unquam reges Christianos (2). Nec Asiaticos Christianos neglexit; cum enim Henricum IV. ad expeditionem cruciatam suscipiendam adducere conaretur, ut Graecos et Armenios Christianos, hoc bello Ecclesiae Romanae subjiceret, in primis spectasse videtur (3).

Sec haec omnia parvi sunt facienda, si *Dictatum* ob oculos habeamus, quo ad audaciae fastigium pervenit (4). Continet ille viginti septem articulos, quorum singuli eo universe tendunt, ut omnia in Ecclesiam jura Imperatori plane

(1) Exempli gratiâ ad Cyriacum, Carthaginiensem archiepiscopum, Lib. III, epist. 19; ad Hipponenses, Lib. III, epist. 20; ad Demetrium, regem Rusforum, Lib. II, epist. 74; ad Sænum, regem Danorum, Lib. II, epist. 75; ad regem Sueciae, Lib. VIII, epist. II, aliae.

(2) Vid. Epistolae Gregorii, Lib. III, epist. 21.

(3) Quam conjecturam uberius exposuit Heeren, *Guyoten der kruisogten*, pag. 78.

(4) Hunc dictatum invenies in Gieseler, *Kirchengeschichte*, II. B. II. Abth., pag. 7, in *Gregorii Epistolarum*, Lib. II, epist. 55; et in Febronio, *De statu Ecclesiae*, Tom. III, pag. 26; alibi.

ne adimantur, eademque ad Papam transeant. Horum articulorum argumentum brevi hisce complectimur; contendit Gregorius VII. universalem supremamque cum secularem, tum Ecclesiasticam auctoritatem Pontifici Romano competere; hanc a Jesu fundatam fuisse; penes solum Papam potestatem esse Episcopos ac Imperatores abrogandi, quosunque excommunicandi, leges ecclesiasticas edendi; porro, folius Papae nomen, tanquam in mundo unicum, in Ecclesiis esse recitandum; nullam Synodum absque ejus praecepto esse convocandam; denique Papam, omnes judicantem, a nemine judicari posse! (1).

Haec omnia fere nova erant ac inaudita, de quibus alii Papae ne cogitaverant quidem. Pauci ante Gregorium de regibus abrogandis, de subditis a fidelitate principi debita absolvendis, loqui ausi fuerant (2). Quae tamen ab Hildebrando legis instar promulgabantur!

## §. 5.

(1) Baronius, *Annalium*, Tom. XI, ad annum 1076, pag. 632, n°. 31, Gregorii dictatum valde laudat dicens: „*hunc ob emergentes et urgentes casus praesentis schismatis fuisse promulgatum.*” Natalis Alexander de ejusdem dictatus authenticâ dubitavit, quam vero Christianus Lupus vindicavit.

(2) Quod Otto Frisingensis de anathemate Gregorii in Imperatorem agens suo jam tempore his verbis expressit, „*Cum rei novitate eo vehementius indignatione motum suscepit Imperium, quo nunquam ante haec tempora hujusmodi sententiam in principem Romanorum promulgatam cognoverat.*”

Vid. Otto, *De gestis Friderici I*, Lib. I. cap. I, Conferuntur

## §. 5.

*Quamnam tandem subiit Hierarchia, Gregorio  
 auctore, commutationem, eo, quod ille cler-  
 icum sibi subjectum haberet, hunc emen-  
 daret, universamque Ecclesiam des-  
 potica ratione gubernaret.*

Vim investigatae clericorum ad Papam transla-  
 tae perspicere jam licuit; hoc enim jure Impera-  
 tori adempto clerici solum Papam in muneribus sa-  
 cris obtinendis, deferendis ac tollendis spectare  
 coeperunt; hanc agendi rationem comprobavit Gre-  
 gorius, cum contenderet omnia Ecclesiastica munera  
 Papae competere, quippe qui Episcopos, univer-  
 sae Ecclesiae praefectos, pallio ornaret (1). Sed  
 arctiore vinculo dispersa Hierarchiae membra Ca-  
 piti erant devincienda; singuli clerici unum Ponti-  
 ficem Romanum in omnibus suis factis ob oculos  
 habere, nulli vero patriae, principi aut rei do-  
 mesticæ addicti esse debebant (2). Quo ut perve-  
 ni-

tur omnino quae de hac *novitate* nimis prudenter dixit Sig-  
 bertus Gemblac., ad an. 1088.

(1) Haec consuetudo non a Gregorio VII, quod nonnulli  
 dixerunt, sed a Gregorio magno, anno 590, indueta fuit;  
 deinceps vero hanc lubentius ex Isidori Pseudo-decretali-  
 bus repetierunt Papae. Conf. Gieseler, l. c. pag. 207,  
 nota (b).

(2) Conf. Villers, *Essai sur l'influence etc.*, pag. 412, et  
 Spittler, l. c. pag. 193.

niret Gregorius coelibatum, a concilio inde Nicæno (325) commendatum (1), et jam inter monachos receptum, omnibus munere sacro fungentibus praecepit, atque iis Ecclesiam sponsae loco obtulit (2), ut, conjugiorum familiaeque commodius attendentes, Hierarchiae devotiores fierent, nec sacerdotibus tantum matrimonium interdixit, quibus, si uxorem ducerent, Missam celebrare vetabatur, sed, e concilio Romae habito (1074) decretis, Diaconis et subdiaconis altaris ministerium vetabatur, nisi coelibatui, quem urgebat Papa, sese obstringerent (3). Ex hoc, de matrimonio clericis vetito, mandato, multi continuo oriebantur, in Germaniâ maxime, tumultus (4); clericorum nonnulli satis ingenue professi sunt se malle muneri renuntiare, quam uxores dimittere, Gregoriumque

(1) Conf. Theiner, *Einführung der Priester-Ehelosigkeit*, I. B. pag. 83 seqq.

(2) Videantur acta Concilii Romani pro reformando Ecclesiae Statu, anno 1074, a Gregorio VII. habiti, in *Acta Conciliorum* Harduini, cap. XIII, pag. 1584. Conf. Planck, I. c. IV. B. I. Abth. pag. 148 seqq.

(3) Sigebertus Gemblac. ad an. 1704, dixit hoc „*non cum exemplum et inconsideratum praejudicium contra sanctorum Patrum sententiam*; quem Pagi, Tom. IV. p. 253, refutat. Conf. Theiner, *Einführ. der Priester-Ehel.*, II. B. I. Abth. pag. 171 seqq. et pag. 201 seqq.

(4) Conf. Venema, *Hist. Eccles.* Tom. V, pag. 610; Sigebertus Gemblac., ad an. 1074; Lambertus Schaffn. ad eundem annum.



angelos, non homines, ad Ecclesiam regundam requirere (1); alii vero, Papae decretum spernentes, uxorem seu duxerunt, seu retinuerunt; hi statim excommunicati munere suo privabantur, neque diutius clericis annumerabantur (2); alii tandem, uxorem palam dimittentes, concubinas clam sibi pararunt, quod exemplum multi desinens secuti sunt. Interea lites de hoc decreto, seu commutando, seu prorsus rejiciendo, per integrum saeculum duraverunt; quâ opportunitate clericorum multi Gregorium, matrimonii abstinentiam sacerdotibus imponentem, haereticum plus semel habuerunt; quid! quod sicarius, a clericis conductus (1075), in Gregorium Misam celebrantem impetum fecit, atque eum interfecisset, nisi populus Papam jam vulneratum periculo eripuisset (3). Hujus etiam decreti opportunitate, clerici, cum Henrico IV., Papae in-

(1) Vld. Milloz, *Hist. de France*, Vol. I, pag. 235. Gieseler, l. c. II. B. II. Abth., pag. 11; Lambertus Schafn., ad annum 1074; Spittler, l. c. pag. 196.

(2) Sigebertus, monachus Gemblacensis, narrat hanc opportunitate, in Chronographiâ suâ, „*vinum et panem Eucharistiae a laicis quibusdam fuisse proposita, cum sacerdos, qui haec offerebat, uxorem duxisset.*” Ex quibus etiam patet vinum Eucharisticum id temporis nondum laicis fuisse denegatum.

(3) Hanc narrationem a Lamberto Schafn. mutatus est Venema, l. c. Tom. V, pag. 620.

infesto, in Germaniâ se conjunxerunt, Synodum Wormatiam convocarunt, atque ibi Gregorium VII. variorum flagitiorum, ac scelerum accusatum a sede papali dejectum esse decreverunt (1).

Ex his tamen de coelibatu observando, de simoniâ tollendâ, aliisque Gregorii decretis efficiamus hanc Ecclesiae in capite et membris emendationem, quam spectavit Gregorius, non ad doctrinam, sed ad mores cleri corruptissimos (2) esse referendam; doctrinam enim minus attendebat, quam suam ipsius auctoritatem, cui haec morum emendatio favebat. Gregorium autem doctrinam non magis fecisse ex mitiori ejus agendi ratione, erga Berengarium patet. Hic supra sui aevi de S<sup>a</sup> Coena errores se evehens, haereticus habebatur; quamvis enim non dilucidis verbis negaret, Jesum sub vini panisque signis praesentem adesse, tamen docebat panis vinique substantiam post consecrationem remanere, atque nihil amplius superesse, nisi figuras corporis et sanguinis Christi (3). Lanfrancus,

mo-

(1) Conf. Villers, *Essai*, etc. pag. 412. et, quem hic citavit, Philip. Mornay in *Hist. Papatus*, ad annum 1080.

(2) Vid. de Ecclesiae statu et clericorum pravitate Gregorii Epist. Lib. I, epist. 42; Lib. II, epist. 49, aliae. Petrus Damianus item strenue in horum clericorum vitia id temporis invehebat, „*Arma potius, arma corripimus, vibrantia, telis tela conferimus, et, non verbo, sed ferro, contra nostri ordinis regulam dimicamus.*” Epist. Lib. I, epist. 15.

(3) Berengarius minime dicendus est *transsubstantiationis*,  
de

monachus, huic sese acriter opposuit, et clamoribus suis effecit, ut haeresis Berengariana quam plurimis innotesceret, magisque inclaresceret (1). Berengarius vero jam in synodo Romana et Vercellensi a Leone IX. (1050), a Victore II. in Florentina (1055), a Nicolao II. in Lateranensi (1059) condemnatus, tandem Romam a Gregorio VII. citatus est (1079), ut causam diceret. Senex octoginta annos natus iter suscepit sententiamque suam primum graviter defendit, sed dein metu mortis revocare coactus est. In Galliam vero reversus, ad pristinam sententiam rediit, atque iurandum, quod praestiterat, retractavit, dicens se vi coactum jurasse; in qua quidem sententia ad mortem usque (1088) perstitit (2).

Universe animadvertendum est Gregorium in eo factis caute egisse, quod, cum clericis severiorem disciplinam imponeret, diligenter tamen curaret ne eorum simul auctoritas in variis regionibus immi-

nue-

sc dictae, dogmati sese opposuisse; hoc enim, saeculo IX. exeunte, cognitum et, anno 1089, a Paschasio primum promulgatum, ne tunc quidem ab universa Ecclesia receptum fuit. Conf. Gieseler, l. c. pag. 217—237

(1) Conf. Millot, *Hist. de France*, Vol. I. pag. 240; et Spittler, l. c. pag. 226 seqq.

(2) Berengarii tumulo epitaphium viri meritis consentaneum deinceps inscribebatur;

„*Quem modo miratur, semper mirabitur orbis*”

„*Ille Berengarius non obiturna abiit.*”

nueretur; quod, nisi fecisset, suae ipsius dominationi quam maxime nocuisset; hoc enim animoolvebat, ut illa jura, quibus universus clerus gaudebat, ad solum Papam referrentur. Christiani omnes ab Episcopis pendebant; hi vero a Papâ; clerus ita auctoritate propriâ, saltem supremâ, destituebatur, atque uni Ecclesiae unus praeerat Episcopus Romanus; cui, cum ipsi Principes subiecti essent, Hierarchia, quae antea ad civilem formam se componere debuerat, ipsa nunc civile imperium moderari et pro lubitu res suas administrare poterat; itaque Theocratia illa vicaria, cujus legislator et iudex supremus erat Papa, prae omnibus despoticâ ratione dominabatur (1). Verbo, hunc duplicem J. Christi gladium et terrestrem, et spiritualem, de quo postea Bonifacius VIII. (1302) tantopere se jactavit, gestare per totam vitam appetivit, atque omnibus viribus arripere tentavit Gregorius VII. (2).

(1) Conf. Planck, l. c. IV. B. I. Abschn., pag. 110 et 111.

(2) Conf. Heeren, *Gesch. der Krniss.*, pag. 64.

## CAPUT III.

*Gregorii VII. facinorum xpiotēs, eorumque viti  
atque effectus in Hierarchiae conditionis  
commutatione conspicua.*

## §. 1.

*Gregorii facinorum xpiotēs.*

Laudatur ab his, culpatur ab illis; hoc omnino in Gregorium quadrat. Nam ut alii, nimio memoriae ejus tuendae studio ducti (1), propter ejus in Ecclesiam merita in coelum eum extulerunt (2); ita alii nimis invidiose ejus res gestas enarrarunt, et nil, nisi quod detestandum esset, in eo reperire sibi visi sunt (3). Sed errarunt utrique; quocirca medium

(1) Sic Languetius, qui, laudibus Gregorium cumulant, professus est se ita „*devotissimi filii partes agere, quod charissimi patris honorem immaniter laesum tuetur.*” Vide hunc et alios a Soardi citatos in opere, „*De Romani Pontificis auctoritate*,” pag. 15 seqq.

(2) Inter quos inprimis memorandus est idem Languetius, Sennonenſis Archiepiscopus, qui de Gregorio et alia satis inaepta et haec dixit: „*Ce Pape a mérité d'être compté au nombre de ces hommes rares, que Dieu a doués d'une grâce excellente.*” — Llorente contra, *Portrait des Papes*, dixit Gregorium „*Le plus grand des monstres, que l'ambition ait pu former.*”

(3) Quam atris coloribus eum depinxerint nonnulli vix credi-

dium tenere nos conabimur, aequabili lance ponderantes quae in eo bona, quaeque mala fuerint; quod ut rite fiat, in hoc iudicio Papam Romanum pro temporum illorum ratione, non virum Christianum ex nostrâ sententiâ ob oculos habeamus (1).

Hildebrandus primis vitae Ecclesiasticae temporibus monachus fuerat, et, in severiore Cluniacensi societate versatus, emendationis studia huic monasterio propria susceperat. Ex hoc igitur vitae genere ejus agendi rationem in primis esse deducendam nobis persuasum habemus. Qui monachus castitatis votum fecerat, hic Papa coelibatum clericis imposuit; paupertatem professus fuerat ipse, aliis simoniam interdixit; obedientiam ordini promiserat, universum clerum auctoritati papali submissum obedientemque reddere studuit, Atamen, ut haec consilia ad finem perduceret, flagitia valde odiosa commisit. Ita maxime in eo vituperandus est, quod Rudolphum adversus Henricum IV. et dominum et affinem incitaret, illique Imperii spem faceret; prouti ipse Sueviae Dux sa-

alderis; secundum horum sententiam erat Gregorius *papista*, *lupus rapax*, tum *satanas ex inferis solutus*, tum *Antichristus ille, perditionis filius* in 2 *Thess.* II: 3 et 4. memoratus; *ex medulla Diaboli factus*. Sic Benzo, Benno, alii.

(1) Conf. Heeren, in opere saepius laudato, pag. 61 et 62. Gieseler, l. c. II. B. II. Abth., p. 9.

facilius mortique proximus deelaravit, dicens se jussu apostolico ac Pontificis rogatu eo adductum fuisse, ut jurejurando neglecto honorem sibi non debitum usurparet (1). Superbia Gregorii et crudelitas erga Henricum in arce Canusio versantem nulli non arguenda videbitur (2); quod ipse satis ingenuus, sed eo superbius in epistola ad Maimburgum professus est: dicens „multos ex piis fratres, munisse Henricum indigne haberi, eamque potius, barbaram crudelitatem, quam severitatem apostolicam esse; sed se voluisse humiliare Principum, arrogantes animos, ut debitam reverentiam sedi apostolicae praestarent.” Sed hanc superbiam ad temporum opportunitates Gregorius nonnunquam componebat utiliter. Cum enim Robbertum Guiscardum et Ricardum, illum Beneventum, hunc Neapolin obsidentes, prius excommunicasset, hoc anathema, quod ceteroquin Normannorum Duces florenti pendebant, deinde sustulit (1078), cum iis foedus pepigit, atque regionum injuste occupatarum possessionem confirmavit, ut ab his principibus opem, qua adversus Henricum indigebat, impetraret (3).

Vi.

(1) Conf. Venema, Tom. V, pag. 641; et Annae Comnenae, *Alexiados in Corpore Historiae Byzantinae*, Phil. Labbei, Lib. I, pag. 32.

(2) Conf. ipsius Gregorii dicta in Epistola ad Germanos, quae est, Lib. IV, epist. 12; et Planck, l. c. IV. B. I. Ab., pag. 178.

(3) Conf. Gregorii Epist. Lib. VIII, epist. P; et A. Com.

Vidimus Gregorio permulta bene et ex voto cecidisse, sed hos successus prosperos ne omnes ingenio ejus consiliisque ante susceptis tribuamus fedulo cavendum est; nam casus, fortuna et opportunitates audacem saepius adjuverunt (1). Cum enim vitam Ecclesiasticam vivere incepit Hildebrandus, Germania et Gallia sub impuberum principum imperio clientelari erant, quod mirum in modum valuit ad felicem ejus consiliorum effectum. Initio papatus, fore ut Germaniae Imperator, poenae luendae causa, iter in Italiam fusciperet ne sperare quidem ausus fuisset Gregorius, vel sic tamen postea Henricum IV. ante pedes supplicem conspexit. Operae etiam pretium est hic animadvertere mulieres nonnullas potentissimas, operum huius Papae praestita, ejus fortunae egregie favisse (2); inter has numerandae sunt ipsa Henrici IV. mater, Agnes, Lotharingae Ducissa Beatrix, et maxime hujus filia, Comitissa Mathildes, quae Liguriam et Tusciam in Gregorii gratiam Ecclesiae donationi adjunxit. Haec, quoque cum jam omnes Papam, ab Imperatore petitus, (1080) deseruissent,

fo-

Comnenae, *Alexiados in corpore Hist. Byzantinae*, Phil. Labbel, Lib. I. p. 32.

(1) Conf. Heeren, *Gevolg. der Kruist.*, pag. 65; Planck, c. I. IV. B. I. Ab., p. 80.

(2) Conf. Theiner, *Einführung der Priester-Ehelosigkeit*, II. B. I. Abt. p. 163.



sola ei non defuit, eique adhaerere perrexit. Unde historiographi bene multi effecerunt Mathildem cum Hildebrando stupri consuetudinem habuisse, quod tamen negarunt alii (1). Videtur autem comitissa e muliebri quâdam superstitione coluisse Gregorium; certe illa tunc jam vetula erat, et sequentibus Papis aequae fuit addictissima.

Gregorius e castello S<sup>ci</sup> Angeli, ubi ab Henrico IV. obsesus fuerat, Salernum reversus, brevi post in hac urbe supremum obiit diem (1085) (2), et dolendum sane est historicos, de iis quae hac opportunitate dixerit, in varias abire partes; ex his enim ipsius Hildebrandi de suis actionibus iudicium accuratius cognoscere possemus. Nonnulli inducunt Papam supremo vitae spatio fatentem „se suadente Diabolo contra hu-  
„manum genus odium et iram concitasse” (3); alii contra haec ejus ultima verba fuisse dicunt: „dilexi iustitiam et odi iniquitatem, propterea „morior in exilio” (4). Cuinam sententiae fides tri-

(1) „Apud omnes, sanum aliquid sapientes, luce clarius „constabat falsa esse, quae dicebantur, ait Lambertus Schafn. ad annum 1077, initio. Conf. quae de eodem argumêto dicta sunt hujus commentationis, Part. II, cap. I. §. 3.

(2) Vid. Villers, l. c. pag. 413; et Venema, l. c. pag. 690.

(3) Ita Sigebertus Gemblacensis in *Chronographia*, ad an. 1085.

(4) Sic C. Baronius, *Annalium*, Tom. XI. ad an. 1085, pag.

tribuenda sit non satis liquet; vel sic tamen quae posteriori loco citavimus verba a viri indole non aliena videntur (1). Denique, quod ad diversa de eo judicia attinet, qui tantorum malorum auctor, atque tot criminum reus fuit, Gregorius VII, a cognomine Papa XIII. (1584), coelitibus annumeratus est (2). Illum vero, e sanctorum numero a Gallis et Germanis ejectum, Hispania more suo sanctum venerata est.

§. 2.

*Magnae, quam subiit Hierarchia Romana, auctore Gregorio, commutationis vis et effectus.*

In effectibus facinorum Hildebrandi, ut et univers-

pag. 765, n<sup>o</sup>. XI, et Millot, in *Hist. de Franco*, Vol. I. pag. 250.

(1) Ad hanc sententiam tuendam faciunt ipsius etiam Gregorii verba, aliâ opportunitate habita; anno enim 1079, scribebat ad Germanos „ quosquot enim Latini sunt, omnes causam Henrici, praeter admodum paucos, laudant, ac defendunt et „ perniciosae duritiae ac impietatis circa eum me redarguunt. „ Quibus Dei gratiâ omnibus sic restitimus hactenus, ut in „ neutram adhuc partem, nisi secundum justitiam et aequitatem, secundum nostrum intellectum declinavimus.” Vid. Epist. Lib. VII. epist. 3. Conf. Planck, IV. B. I. Ab. pag. 207.

(2) Idem ille Gregorius XIII. etiam caedem reformatorum (1571) s<sup>a</sup> Bartholomaei nocte probavit

verse in aliis rerum sacrarum conversionibus, per totam historiam animadvertimus vim rerum novarum de religione motarum et vehementiorem et diuturniorem fuisse, quam illarum, quae ad res publicas referuntur: illae enim, uniuscujusque opiniones spectantes, omnium animos advertunt, hae vero, ad principes fere (solos pertinentes, per breve tempus vim habere solent (1). Hinc factum, ut Gregorii facta per duo saecula ad hierarchiam supra omnem potestatem evehendam valuerint.

E narratis satis superque patet Hildebrandum non sine multis aerumnis multoque labore tot tantaque perfecisse; sed earundem injuriarum dolorem lenire ei licuit, reputanti se, decretorum vi et audacia, et in agendo constantia, fortitudine, letale vulnus civili imperio intulisse, clericos dispersos arctissimo vinculo Papae conjunxisse, atque universae Ecclesiae regimini despoticam formam dedisse; ita ut Europa, non regio Christiana, sed ditto Romana esse videretur. Nec minore superbia succesores, ipsius vestigia diligenter prementes, gentium principumque conamina adversus papalem despotismum alto supercilio despexerunt. Exemplum ita, quod dederat Gregorius pernici-

(1) Conferantur, quae de rebus novis in religione universo motis egregie raffocinatus est, Villers. *Essai sur la transformation de Luther*, pag. 11 seqq.

som multorum disfidiorum, contentionum, bellorum adeo, ad saeculum usque XIII, causa fuit; ita v. c. motus, qui ex investiturâ ab Hildebrando laicis erepta p̄ti fuerant, sub ejus successoribus ad Innocentium IV. usque (1246) perdurarunt.

Magnam itaque commutationem, auctore Hildebrando, subiisse Hierarchiam ex ante dictis satis superque jam patuit; hic enim, qui per totam vitam „*servum servorum Dei*” se dixerat (1), ad supremam Domini Dominorum dignitatem se erexit; nec se solum, sed omnes simul, qui per duo saecula post eum eadem sacro-sanctâ auctoritate orhati, ejus vestigia presferunt. Ad despotismi enim formam hierarchiam adduxit, imo tyrannum erga omnes, qui superbo ac immani ejus imperio repugnarent, se gesit.

Nec profecto haec sedis papalis despotica ratio, a Gregorio VII. condita, caducis fundamentis nitebatur. Romae, in celeberrima urbe, throno praejudicatis omnium Christianorum opinionibus constabito, sedebat ille, „*cujus solius nomen, in mun-*  
„*do unicam, in Ecclesiis erat recitandum* (2);” ibi, supremus legislator atque iudex, e folio suo „*solus episcopos deponebat vel reconciliabat* (3);”

no-

(1) Hoc enim nomine Gregorius VII. detectabatur.

(2) Vid. Gregorii *Dictatus*, art. X. et XI, e quo haec verba desumpta sunt.

(3) Articuli III. *Dictatus* Gregorii ipsissima verba.

„*novas leges condebat* (1),” atque „*de omni Ec-*  
 „*clesia, quocunque volebat, clericos ordinabat* (2);”  
 omnibus vero aliis, qui eum talem, qualem se  
 profitebatur, agnoscebant, regibus, populis, civi-  
 bus singulis, refugium offerebat eo tutius, quo cer-  
 tius ejus sententia „*a nullo retractari deberet, ip-*  
 „*se omnium solus hanc retractare posset* (3); nec  
 „*ullus Apostolicam sedem appellantem condemnare*  
 „*auderet* (4).”

Ex hoc centro, omnibus clericis communi, le-  
 gati, a latere dicti, in omnes Europae aulas mit-  
 tebantur; hi, Pontificis Romani vicarii, „*om-*  
 „*nibus Episcopis in conciliis praeerant, etiam in-*  
 „*ferioris gradus, et adversus eos sententiam dare*  
 „*poterant* (5).” Membra vero hierarchiae disper-  
 sa indissolubili vinculo inter se conjungebantur; cle-  
 rici enim omnes ex infimo muneris gradu ad su-  
 premum dignitatis papalis fastigium escendere po-  
 terant; omnes itaque sibi viam ad honores late pa-  
 tentem videbant, ex decretis Gregorii VII. de coe-  
 libatu, a clericis observando, nullâ familiae aut con-  
 jugis curâ sollicitudineque distinebantur; omni tem-

po-

(1) Articuli VII. ejusdem *Dictatus*

(2) Art. XIV. verba.

(3) Articuli XVIII. *Dictatus in Gregorii Epist.*, Lib. II.  
 epist. 35.

(4) *Dictatus* articul. XX.

(5) Ejusdem articul. IV.

pore et loco, solius hierarchiae commoda promoveri atque Paparum pomoeria extendere spectabant.

Principes, qui focordia atque ignavia sua Hildebrandi molitionibus nimis faciles se praestiterant, atque ita Hierarchiae progressibus egregie faverant, clericos deinceps restringere longe minus valuerunt. Investiturae jus, Gregorio VII. auctore, primam amittentes, brevi post huic, qui S<sup>i</sup> Petri succesforem se jactabat, potestatem ligandi et solvendi in coelo et in terrâ ipsi tribuerunt (1).

Gregorius etiam sacrarum expeditionum, quae brevi post tantam vim habuerunt, eatenus auctor fuit, quatenus harum effectus animo praevidisse, atque alios de hac re exemplo, quod dedit, monuisse videtur. Tali enim subsidio papalis auctoritas interna indigebat, cujus magni intererat principes, in remotis Asiae regionibus bellum gerentes, suas res Pontifici Romano curandas relinquere, et quasi sub eo merentes, in Palestinam impetum facere, ut hoc Religionis Christianae incunabulum hierarchiae submitterent. Praeterea gentes miro hac aetate flagrabant studio militari, quod item ad papalis despotismi commoda converti debebat. Itaque ad expeditionem sacram fuscipien-

(1) Quod tamen jam Gregorius ipse sibi vindicaverat. Videatur ejus epistola, quae est secunda libri quart. *Epistolarum Gregorii*.

dam Henricum IV. adducere conatus est, ut, quod fingebat, peregrinationes in Terram Sanctam (1), quae increscente superstitione frequentiores fiebant, eo tutiores essent; in quem finem, si exercitum concederet Imperator, hunc lubenter, aiebat Papa, ipse adversus Infideles ducere volebat. Sed in hac re Gregorii conamina irrita fuerunt; nondum hierarchia omnium causa evaserat; et spes adeo fefellit eventus, ut Henricus IV. exercitu, quem ad hierarchiam fulciendam rogaverat Papa, adversus ipsum uteretur (2).

Longe tamen absuit, ut omnia Hildebrandi facta noxia essent. Etenim uti optima consilia calamitosos nonnunquam effectus habent, sic et pessima aliquando ad feliciores exitus ducunt. Nimirum hoc feodalitatis tempore vincula quodam opus erat, quo gentes inter se conjunctiores essent; jam vero hocce Hierarchiae imperio, quod Gregorius condidit, omnes Christiani in variis regionibus ad unam redigebantur societatem, sacram illam, in qua una lingua, similes ritus, princeps idem unaque metropolis, Roma, omnibus erat. Hujus quidem vinculi vis maxime in expeditionibus facris apparuit. Tunc enim variae gentes, eodem studio ductae, unius familiae instar, eandem egerunt causam. Verum enim vero populi hac opportunitate

(1) Vid. *Epist. Greg.* Lib. II. epist. 31 et 37.

(2) Conf. hujus Commentationis, Part. II, Cap. II, §. 3.

tate didicerunt, quid vires conjunctae valeant; ipsique, societatem aetiozem inter se ineuntes, hierarchiae impedimenta struere coeperunt. Item principes, Henrici IV. exemplo admoniti, erga quem vehementius, quam par esset, se gesserat Gregorius, ne tale quid iterum, ac sibi ipsis, accideret, summo cauerunt studio (1). Sic aetati sacrae et militari, quae tantopere hierarchiae progresibus infervierat, aetas succesfit politica jurisque studiis insignis, quae magnum damnum despotismo papali intulit, quippe quâ singuli principes suis ipsorum commodis prospicerent, sibi que ipsi, non vero Pontifici Romano, proximi viderentur. Inde libertatis amor in Germaniâ maxime ortus est, simulque eo literae reviviscere coeperunt, et Christiani tandem, quicquid aut malitia, aut simplicitas, aut crudelitas vel antea invexerat, vel ipsis his temporibus moliebatur, evertendum esse autumarunt.

Porro Gregorii VII. successores suae ipsorum causae nocuerunt, immo eam funditus perverterunt, quod despotieum Hildebrandi imperium affectantes

(1) Ipse Henricus IV. morti proximus ad varios Principes scripsisse traditur, „*Papas conari universos Christianos in servitutem redigere durissimam, et facturos, nisi reges equeant; neque cessaturos donec mora Anti-Christi in Templo Dei sedeant atque ab omnibus, quasi Deus, colantur et adorantur.*” (2 Thesi. II. 4.) Quae ipsa Henricus experientia edoctus fuerat. — Conf. Villers, *Essai* etc. pag. 420.



tes vestigilsque ejus incedentes, eandem callidam agendi rationem non servarent. Sic certe nimis imprudenter egerunt Innocentius III. (1201) et Bonifacius VIII. (1297) qui, insanā superbiā exultantes, excommunicatione, anathematibus, interdictisque tam crebro usi sunt, ut hae poenae tandem omni vi carerent. Hinc enim plus semel factum est, ut Papis vires defecerint ad poenas, quas minati erant, infligendas. Periiit ita haec Pontificum Romanorum sanctitatis notio, quam tantopere veneratae fuerant gentes.

Gratias itaque Providentiae Divinae agamus, quae et unum tantum Hildebrandum, tantis dotibus praeditum papalique auctoritate ornatum, protulit, et hujus viri pessima consilia ita moderata est, ut quae ille contra genus humanum cogitaverat mala, in bonam converterentur partem; ex ipso enim auctoritatis abusu (1), alma lux libertatis (1300), reformationis studium (1500), et despotismi papalis detrimentum (1800) tandem orta sunt.

Ha-

(1) Hunc cujusque immanis tyrannidis necessarium effectum ipse animadvertit Robertsonius, dicens: „*There is an ultimate point of depression as well as of exaltation, from which human affairs naturally return in a contrary progress.*” Additque infra „*when abuses grow to a certain pitch, the society must go to ruin, or make attempt to reform them.*” — Vid. W. Robertson, „*A view of the state of Europe*,” in „*The history of Charles V.*” Vol. I, Sect. I. pag. 27.

Habetis igitur, V. V. C. C., ad quaestionem a Vobis propositam pro juvenilibus viribus qualecumque responsum, lucubratum opus, magnaeque spei causa! Num autem in hac conscribenda res mihi cesserit, Vos judicetis; mihi vero, licet aliud praemium consequatur, idem tamen utilitatem et voluptatem, quam in tam egregio argumento pertractando cepi, non eripiet, nec profecto hanc laboris consolationem:

*Ja, 't pogen zelfs is grootach in 't worstelperk der eer!*

HELMERS.

*Maximam partem typis expressa est haecce Disseratio, postquam jam diem suum obierat Auctor, Vir praestantissimus, qui sui desiderium in multorum animis reliquit; cujus memoriae in Dissertationis fine haecce dicata sunt. —*

*Amstelodami natus, ineunte aetate cum parentibus Helvetiam Gallicam petiit, juvenis in patriam rediit, literarum Franco-Gallicarum elegantiâ imbutus. Ille paedagogico vitae generi quum sese per aliquot annos dicasset Veroneus, intus sentiens, quae fovebat*

bat studia sanctiora, Doctoris Christiani munus expetit, et Theologiae operam navare instituit. Quae vero indefessa industria, diligentia et assidua disciplinis primum literariis, deinceps theologicis in Academia Rheno-Trajectina operam navaret, quas faceret in iis progressus haud vulgares, quamque sibi pararet doctrinae copiam, Praeceptoribus et Commilitonibus probavit quotidie, ut brevi quatuor annorum spatio academico, accuratam, quae nostratibus propria esse solet, eruditionem haud infeliciter conjungeret cum illa morum et studiorum elegantia, quam literis Franco-Gallicis moderaretur. Poësin Franco-Gallicam satis feliciter coluit; studiis historicis et historico-theologicis sedulo operam navavit. In quibus singulis propria quadam ingenii vi, iudicii acumine, labore assiduo, ardore, quo ducebatur, sese commendavit. Quod vero majus est et sanctius, vts Religionis Christianae salutifera in omni ejus vita patuit; ducebatur veri acerrimo studio, virtutis Christianae amore, morum cum suavitate et urbanitate tum integritate, animi probitate, candore et modestia, pietate erga praecipuos, matrem, Deum maxime. Sic pectus erat, quod disertum fecit, quo factum, ut Oratoris sacri partibus egregie, plurimorum cum applausu, fungeretur, quo tempore Trajecti ad Rhenum S. Ministerii Candidatus Evangelium annuntiavit.

Mag-

*Magnam ita sane de se excitaverat Verenetus spem. Hanc vero frustravit Divini Numinis sapientia, quae e medio sustulit virum egregium illumque desideratum matri, consanguineis, amicae fidelissimae, futurae, ut sperabat, conjugii, praeceptoribus, quibus carissimus erat discipulus, amicis, coetui Rheno-Trajectino Wallonico. — Suam vero spem, quam moribundus declaravit, repositam habuit Verenetus in Jesu Christo, Conservatore fidelissimo. Sic ille ad beatorum sedes transit, die 2 Aprilis 1832, annos natus 31. (1)*

*Quiescat in pace!*

(1) Verenetim memoriam coluit coetus Wallonici Ultrajectini Consistorium, edito hisce diebus scripto: *Tribut de regrets payé par le Consistoire de l'Eglise Wallonne d'Utrecht a la mémoire de Mr. L. F. Verenet, Candidat du Saint-Ministère* Amst. 1832. — Poemata typis vulgavit Verenetus: *Un jour de Suisse et Charles, Nouvelle-Helvétique et Poésies diverses.*

# COMMENTATIONIS CONSPECTUS.

## INTROITUS.

§. 1. <i>Hierarchiae aetates.</i> . . . . .	pag. 7.
2. <i>Aetas prima. Hierarchiae forma democra- tico-aristocratica.</i> . . . . .	— 8
3. <i>Aetas secunda. Hierarchiae forma aristo- cratico-oligarchica.</i> . . . . .	— 11
4. <i>Aetas tertia. Hierarchiae forma oligar- chico-monarchica.</i> . . . . .	— 14.

## PARS PRIOR.

QUAENAM FUIT HIERARCHIAE ROMANAE, MEDIO SAE-  
CULO XI, ANTE GREGORIUM, CONDITIO ET  
AUCTORITAS?

### C A P U T. I.

Europae conditio politica, medio saeculo XI.

§. 1. <i>Disputationis ordo.</i> . . . . .	pag. 19
2. <i>Roma et Constantinopolis.</i> . . . . .	— 20
3. <i>Europa meridionalis.</i> . . . . .	— 25
4. <i>Europa Germanica.</i> . . . . .	— 28
5. <i>Europa Occidentalis.</i> . . . . .	— 31
6. <i>Europa Septentrionalis.</i> . . . . .	— 34
7. <i>Europa Orientalis.</i> . . . . .	— 36

### C A P U T II.

Hierarchiae Romanae, medio saeculo XI., conditio et  
auctoritas universe spectata.

§. 1. <i>Hierarchiae Romanae conditio.</i> . . . . .	pag. 39
2. <i>Hierarchiae Romanae auctoritas.</i> . . . . .	— 44
3. <i>Hierarchiae Romanae subsidia.</i> . . . . .	— 49

G A-

## C A P U T III.

Hierarchiae Romanae, medio saeculo XI, conditio et auctoritas, singulatim spectata. Papae ante Gregorium VII., ab anno 1049 ad 1073.

§. 1. <i>Leo IX.</i> (1049-1055).	pag. 52
2 <i>Victor II.</i> (1055-1057).	— 55
3. <i>Stephanus IX.</i> (1057-1058).	— 57
4. <i>Nicolaus II.</i> (1058-1061).	— 58
5. <i>Alexander II.</i> (1061-1073).	— 61

## P A R S A L T E R A.

QUAM SUBIIT HIERARCHIA ROMANA, AUCTORE  
GREGORIO VII., COMMUTATIONEM?

## C A P U T I.

Hildebrandi vita privata et Ecclesiastica,  
ad annum 1073.

§. 1. <i>Hildebrandi vita privata, ad annum 1048.</i>	pag. 65
2. <i>Hildebrandi vita Ecclesiastica, ad annum 1073.</i>	— 68
3. <i>Hildebrandi indoles.</i>	— 74

## C A P U T II.

Hildebrandus Papa, seu Gregorius VII. ab anno 1073  
ad 1085.

§. 1. <i>Hildebrandus Papa creatus. Quamnam in Hierarchia commutationem spectasse videtur et quamnam agendi rationem secutus est?</i>	pag. 79
2. <i>Gregorii conatus, ut clerum a principum imperio liberum redderet.</i>	— 85
3. <i>Gregorii conatus, ut a sua auctoritate Germaniae Imperator penderet.</i>	— 89

§. 4.

- §. 4. *Gregorii conatus, ut apud ceteros etiam Europae principes Hierarchiae conditio et auctoritas commutarentur.* . . . . . pag. 95
5. *Quamnam tandem subiit Hierarchia, Gregorio auctore, commutationem eo, quod ille clerum sibi subjectum haberet, hunc emendaret, universamque Ecclesiam despotica ratione gubernaret.* . . . . . — 102

## C A P U T. III.

Gregorii VII. facinorum *κρίσις*, eorumque vis atque effectus, in Hierarchiae conditionis commutatione conspicui.

- §. 1. *Gregorii facinorum κρίσις.* . . . . . pag. 108
2. *Magnae, quam subiit Hierarchia Romana, auctore Gregorio, commutationis vis et effectus.* — 115

## A C C E D I T:

Notitia brevis de Auctore, jam mortuo. pag. 121.



PRAE.









